



趙城縣廣勝寺

究竟一乘寶性論卷第一

中印度三藏勸導

教化品第一 我今志歸命一切无上尊 為開法王截廣利諸群生

諸佛勝妙法 謗以為非法 愚癡無智慧

迷於邪正故 具足智慧人 善分別邪正

如是作論者 不違於正法 順三乘菩提

對三界煩惱 雖是弟子造 正取邪則捨

善說名句義 初中後功德 智者聞是義

不取於餘法 如我知佛意 堅住深正義

如實修行者 取同於佛語 雖無善巧言

但有真實義 彼法應受持 如取金捨石

妙義如真金 巧語如凡石 依名不依義

彼人無明盲 依自罪業障 謗諸佛妙法

如是諸人等 則為諸佛呵 或有取他心

謗諸佛妙法 如是諸人等 則為諸佛呵

為種種供養 謗諸佛妙法 如是諸人等

則為諸佛呵 愚癡及我憐 樂行於小法

謗法及法師 則為諸佛呵 外現威儀相

不識如來教 謗法及法師 則為諸佛呵

為求名聞故 起種種異說 謗法及法師

則為諸佛呵 說承修多羅 言是真實義

謗法及法師 則為諸佛呵 求利養攝眾

寶性論卷第一 總釋

誑惑無智者 謗法及法師 則為諸佛呵

佛觀如是等 極惡罪眾生 慈悲心自在

為說法除苦 深智大慈悲 能如是利益

我說不求利 頂禮無上尊

究竟一乘寶性論佛寶品第二

佛體無前際 及無中間際 亦復無後際

寂靜自覺知 既自覺知已 為欲令他知

是故為彼說 無畏常恒道 佛能執持彼

智慧慈悲力 及妙金剛杵 斷截諸苦牙

摧碎諸見山 覆蔽顛倒意 及一切稠林

故我今敬禮

究竟一乘寶性論法寶品第三

非有亦非無 亦復非有無 亦非即於彼

亦復不離彼 不可得思量 非聞慧境界

出離言語道 內心知清涼 彼真妙法日

清淨無塵垢 大智慧光明 普照諸世間

能破諸障障 覺觀貪瞋癡 一切煩惱等

故我今敬禮

究竟一乘寶性論僧寶品第四

正覺正知者 見一切眾生 清淨無有我

寂靜真實際 以能知於彼 自性清淨心

見煩惱無實 故離諸煩惱 無障淨智者

如實見眾生 自性清淨性 佛法僧境界

無聞淨智者見諸衆生性遍無量境界故我今敬礼

問曰依何等法有此三寶答曰偈言

真如有雜垢及遠離諸垢佛無量功德

及佛所作業如是妙境界是諸佛所知

依此妙法身出生於三寶

究竟乘寶性論一切衆生有如來藏第五

問曰云何得知一切衆生有如來藏

答曰偈言

一切衆生界不離諸佛智以彼淨無垢

性體不二故依一切諸佛平等法性身

知一切衆生皆有如來藏

又復略說偈言

體及因果業相應及以行時差別遍處

不變無差別彼妙義次第第一真法性

我如是略說汝今應善知

此偈明何義偈曰

自性常不染如寶空淨水信法及般若

三昧大悲等淨我樂常等彼岸功德果

狀苦求涅槃欲願等諸業大海器寶水

無量不可盡如燈明觸色性功德如是

見寶者說言凡夫聖人佛衆生如來藏

真如無差別有不淨有淨及以善淨等

如是次第說衆生菩薩佛如空遍一切

而空無分別自性無垢心亦遍無分別

如虛空遍至體細塵不染佛性遍衆生

諸煩惱不染如一切世間依虛空生滅

依於無漏界有諸根生滅火不燒虛空

若燒無是處如是老病死不能燒佛性

地依於水住水復依於風風依於虛空

空不依地等如是陰界根住煩惱業中

諸煩惱業等住不善思惟不善思惟行

住清淨心中自性清淨心不住彼諸法

陰入界如地煩惱業如水不正念如風

淨心界如空依性起邪心念起煩惱業

依因煩惱業能起陰界入依止於五陰

界入等諸法有諸根生滅如世界成壞

淨心如虛空無因復无緣及無和合義

亦無生住滅如虛空淨心常明無轉變

為虛妄分別客塵煩惱染菩薩摩訶薩

如寶知佛性不生亦不滅又無老病等

菩薩如是知得離於生死憐愍衆生故

示現有生滅佛身不變異以得無盡法

衆生所歸依以無邊際故常住不二法

以離妄分別恒不執不作清淨心力故

法身及如來聖諦與涅槃功德不相離

如光不離日

究竟乘寶性論無量煩惱所纏品第六

萎花中諸佛衆蜂中美蜜皮糞等中寶

糞穢中真金地中珍寶藏諸果子中芽

朽故弊壞衣纏裹真金像貧賤醜陋女

懷轉輪聖王熾黑泥摸中有上妙寶像

衆生貪瞋癡妄想煩惱等塵勞諸垢中

皆有如來藏華蜂糞穢地果故弊衣

貧賤女泥摸煩惱垢相似佛寶寶真金

寶牙金像王上妙寶像等如來藏相似

問曰華佛譬喻為明何義答曰言萎

華者喻諸煩惱言諸佛者喻如來藏

偈曰

功德莊嚴佛住於萎華中淨天眼者見

去花顯諸佛佛眼觀自法遍一切衆生

下至阿鼻獄具足如來藏自處常住際

以慈悲方便令一切衆生遠離諸障身

如朽故華中有諸佛如來天眼者見知

除去萎華葉如來亦如是見貪煩惱垢

不淨衆生中具足如來藏以大慈悲心

憐愍世間故為一切衆生除煩惱花葉

問曰蜂蜜譬喻為明何義答曰言群

蜂者喻諸煩惱言美蜜者喻如來藏

偈言

上妙美味蜜 為群蜂圍遠 須者設方便  
 散蜂而取蜜 如來亦如是 以一切智眼  
 見諸煩惱蜂 圍遠佛性蜜 以大方便力  
 散彼煩惱蜂 顯出如來藏 如取蜜受用  
 猶如百千億 那由他諸虫 遮障微妙蜜  
 無有能近者 有智者須蜜 殺害彼諸虫  
 取上味美蜜 隨意而受用 無漏智如蜜  
 在衆生身中 煩惱如毒虫 如來所殺害  
 問曰糧實辭喻為明何義 答曰言皮  
 糧者喻諸煩惱 言內實者喻如來藏  
 偈言  
 穀實在糧中 無人能受用 時有須用者  
 方便除皮糧 佛見諸衆生 身有如來性  
 煩惱皮糧纏 不能作佛事 以善方便力  
 令三界衆生 除煩惱皮糧 隨意作佛事  
 如稻穀麥等 不離諸皮糧 內實未淨治  
 不任美食用 如是如來藏 不離煩惱糧  
 令一切衆生 煩惱所飢渴 佛自在法王  
 在衆生身中 能示以愛味 除彼飢渴苦  
 問曰糞金辭喻為明何義 答曰糞穢  
 辭喻者諸煩惱 相似真金辭喻者如  
 來藏相似偈言

寶性論卷第一 第七

迦字

寶性論卷第一 第七

迦字

如人行遠路 遺金糞穢中 經百千歲住  
 如本不變異 淨天眼見已 遍告衆人言  
 此中有真金 汝可取受用 佛觀衆生性  
 沒煩惱糞中 為欲拔濟彼 兩微妙法雨  
 如於不淨地 漏失真金寶 諸天眼了見  
 衆生不能知 諸天既見已 語衆悉令知  
 教除垢方便 得淨真金用 佛性金亦亦  
 墮煩惱穢中 如來觀察已 為說清淨法  
 問曰地寶辭喻為明何義 答曰地寶  
 喻者諸煩惱 相似寶藏辭喻者如來  
 藏相似偈言

辭如貧人舍地有珍寶藏 彼人不能知  
 寶又不能言 衆生亦如是 於自心中  
 有不可思議 無盡法寶藏 雖有此寶藏  
 不能自覺知 以不覺知故 受生死貧苦  
 辭如珍寶藏 在彼貧人宅 人言不我貧  
 寶不言我此 如是法寶藏 在衆生心中  
 衆生如貧人 佛性如寶藏 為欲令衆生  
 得此珍寶故 彼諸佛如來 出現於世間  
 問曰果牙辭喻為明何義 答曰果皮  
 辭喻者諸煩惱 相似子牙 辭喻者如  
 來藏相似偈言  
 如種種果樹 子牙不朽壞 種地中水灌

寶性論卷第一

第八

迦字

生長成大樹 一切諸衆生 種種煩惱中  
 皆有如來性 無明皮所纏 種種善根地  
 生彼菩提芽 次第漸增長 成如來樹王  
 依地水火風 空時日月 緣多羅等種內  
 出生大樹王 一切諸衆生 皆亦復如是  
 煩惱果皮內 有正覺子牙 依日淨等法  
 種種諸緣故 次第漸增長 成佛大法王  
 問曰衣像辭喻為明何義 答曰弊衣  
 辭喻者諸煩惱 相似金像辭喻者如  
 來藏相似偈言

弊衣纏金像 在於道路中 諸天為人說  
 此中有金像 種種煩惱垢 纏裹如來藏  
 佛無障眼見 下至阿鼻獄 皆有如來身  
 為令彼得故 廣設諸方便 說種種妙法  
 金像弊衣纏 墮在曠野路 有天眼者見  
 為淨示衆人 衆生如來藏 煩惱爛衣纏  
 在世間險道 而不自覺知 佛眼觀衆生  
 皆有如來藏 為說種種法 令彼得解脫  
 問曰女王辭喻為明何義 答曰賤女  
 辭喻者諸煩惱 相似歌羅邏四大中  
 有轉輪王身 喻者生死歌羅邏藏中  
 有如來藏轉輪王相似偈言  
 辭如孤獨女 住在貧窮舍 身懷轉輪王

而不自覺知如彼貧窮舍三有亦如是  
懷胎女人者喻不淨眾生如彼截中胎  
眾生性亦亦內有無垢性名為不孤獨  
貧女垢衣纏極醜陋受苦處於孤獨舍  
懷妊王重擔如是諸煩惱染汙眾生性  
受無量苦惱無有歸依處實有歸依處  
而無歸依心不覺自身中有如來藏故  
問曰摸像譬喻為明何義答曰泥摸  
譬喻者諸煩惱相以實像譬喻者如  
來藏相似偈言

如人靴真金鑄在泥摸中外有雜黑泥  
內有真實像彼人量已冷除去外泥障  
開摸令顯現取內真實像佛性常明淨  
客垢所染汙諸佛善觀察除障令顯現  
離垢明淨像在於穢泥中鑄師知無熱  
然後去泥障如來亦如是見眾生佛性  
儼然處煩惱如像在摸中能以巧方便  
善用說法椎打破煩惱摸顯發如來藏  
究竟一乘寶性論為何義說品第七  
問曰餘修多羅中皆說一切空此中  
何故說有真如佛性偈言  
處處經中說內外一切空有為法如雲  
及如夢幻等此中何故說一切諸眾生

皆有真如性而不說空寂  
答曰偈言  
以有怯弱心輕慢諸眾生執著虛妄法  
謗真如實性計身有神我為今如是等  
遠離五種過故說有佛性  
究竟一乘寶性論身轉清淨成菩提品第八  
淨得及遠離自他利相應依止深快大  
如彼所為義

初說佛菩提及得菩提方便偈言  
向說佛法身自性清淨體為諸煩惱垢  
客塵所染汙譬如虛空中離垢淨日月  
為彼厚密雲羅網之所覆佛功德無垢  
常恒及不變不分別諸法得無漏真智  
次說無垢清淨體偈言  
如清淨池水無有諸塵濁種種雜花樹  
周匝常圍遶如月離羅睺日無雲翳等  
無垢功德具顯現即彼體蜂王美味蜜  
堅實淨真金寶藏大果樹無垢真金像  
轉輪聖王身妙寶如來像如是等諸法  
即是如來身  
次說成就自利利他偈言  
無漏及遍至不滅法與恒清淨不變異  
不退寂靜處諸佛如來身如虛空無相

為諸勝智者作六根境界示現微妙色  
出乎妙音聲令嗅佛戒香與佛妙法味  
使覺三昧觸令知深妙法細思惟稠林  
佛離虛空相  
次說第一義相應偈言  
如空不思議常恒及清涼不變與寂靜  
遍離諸分別一切處不著離闕處溢觸  
亦不可見取佛淨心無垢

次說佛法身偈言  
非初非中後不破壞不二遠離於三界  
無垢无分別此甚深境界非二乘所知  
具勝三昧慧如是人能見出過於恒沙  
不思議功德唯如來成就不與餘人共  
如來妙色身清淨無垢體遠離諸煩惱  
及一切習氣種種勝妙法光明以為體  
令眾生解脫常無有休息所作不思議  
如摩尼寶王能現種種形而彼體非實  
為世間說法示現寂靜處教化使淳熟  
授記令入道如來鏡像身而不離本體  
猶如一切色不離於虛空  
次說如來常住身偈言  
世尊體常住以修無量因眾生界不盡  
慈悲心如意智成就相應法中得自在

實性論卷第一 第十三章 偈言

實性論卷第一 第十三章 偈言

實性論卷第一 第十三章 偈言

偈言

降伏諸魔怨 體寂靜故常

次說不可思議體偈言

非言語所說 第一義諦攝離諸覺觀地

無辟喻可說 最上勝妙法 不取有涅槃

非三乘所知 唯是佛境界

究竟乘實性論如來功德品第九

自利亦利他 第一義諦身 依彼真諦身

有此世諦體 果遠離淳熟 此中具足有

六十四種法 諸功德差別

略說偈言

佛力金剛杵 破無智者障 如來無所畏

慶眾如師子 如來不共法 清淨如虛空

如彼水中月 眾生二種見

初說十力偈言

慶非慶果報 業及於諸根 性信至慶道

離垢諸禪定 憶念過去世 天眼寂靜智

如是等諸句 說名十種力

如金剛杵者偈言

慶非慶果性 眾生諸信根 種種隨修地

過宿命差別 天眼漏盡等 佛力金剛杵

能刺摧散破 癡鎧山牆樹

次說四無畏偈言

如實覺諸法 遮諸闍道障 說道得無漏

是四種無畏 於所知境界 畢竟知自他

自知教他知 此非遮障道 能證勝妙果

自得令他得 說自他利諦 是諸慶無畏

如師子王者偈言

辟如師子王 諸獸中自在 常在於山林

不怖畏諸獸 佛人王亦亦 慶於諸群衆

不畏及善住 堅固奮迅等

次說佛十八不共法偈言

佛無過無諍 無妄念等失 無不定散心

無種種諸想 無作意護心 欲精進不退

念慧及解脫 知見等不退 諸業智為本

知三世無障 佛十八功德 及餘不說者

佛身口無失 若他來破壞 內心無動相

非作心捨心 世尊欲精進 念淨智解脫

知見常不失 示現可知境 一切諸業等

智為本展轉 三世無障身 廣大智行常

是名如來體 大智慧相應 覺彼大菩提

最上勝妙法 為一切衆生 轉於大法輪

無畏勝妙法 令彼得解脫

次說虛空不相應義偈言

地水火風等 彼法空中無 諸色中亦无

虛空無闍法 諸佛無闍障 猶如虛空相

如來在世間 如地水火風 而諸佛如來

所有諸功德 乃至無一法 共餘世間有

次說三十二大人相偈言

足下相平滿 具足千輻輪 跟臍趺上隆

伊尼鹿王端 手足悉柔軟 諸指皆纖長

鵝王網縵指 臂肘上下臚 兩肩前後平

左右俱圓滿 立能手過膝 馬王陰蔽相

身臚相洪雅 如尼拘樹王 體相七慶滿

上半如師子 威德勢堅固 猶如那羅延

身色新淨妙 柔軟金色皮 淨軟細平密

一孔一毛生 毛柔軟上靡 微細輪右旋

身淨光圓匝 頂上相高顯 頂如孔雀王

頤方若師子 髮淨金精色 喻如因陀羅

額上白毫相 通面淨光明 口含四十齒

二牙白踰雪 深密內外明 上下齒平齊

迦陵頻伽聲 妙音深遠聲 所食無完過

得味中上味 細薄廣長舌 二目淳紺色

眼睫若牛王 功德如蓮華 如是說八尊

妙相三十二 一一不雜亂 普身不可嫌

次說如水中月偈言

秋空無雲翳 月在天及水 一切世間人

皆見月勢力 清淨佛輪中 具功德勢力

佛子見如來 功德身亦亦 究竟乘實性論自然不休息佛業品第十

於可化衆生以教化方便起化衆生業  
教化衆生界諸佛自在入於可化衆生  
常待時待處自然作佛事遍覺知大乘  
最妙功德聚如大海水寶如來智亦不  
菩提廣無邊猶如虛空界放無量功德  
大智慧日光遍照諸衆生有佛妙法身  
無垢功德藏如我身無異煩惱障智障  
雲霧羅網覆諸佛慈悲風吹令散滅盡  
次說大乘業喻略說偈言

帝釋妙鼓雲梵天日摩尼響及虛空地  
如來身亦不  
初說帝釋鏡像辭喻偈言

如彼毗琉璃清淨大地中天主帝釋身  
於中鏡像現如是衆生心清淨大地中  
諸佛如來身於中鏡像現帝釋現不現  
依地淨不淨如是諸世間鏡像現不現  
如來有起滅依濁不濁心如是諸衆生  
鏡像現不現天主帝釋身鏡像有生滅  
不可得說有不可得說無如來身亦不  
鏡像有生滅不可得說有不可得說無  
如地普周遍遠離高下穢大琉璃明淨  
離垢功德平以彼毗琉璃清淨無垢故  
天主鏡像現及莊嚴具生若男若女等

於中見天主及妙莊嚴具作生彼處願  
衆生為生彼修行諸善行持戒及布施  
散花捨珠寶後時功德盡地滅彼亦滅  
心琉璃地淨諸佛鏡像現諸佛子菩薩  
見佛心歡喜為求菩提故起願修諸行  
不生不滅者即是如來偈言

如毗琉璃滅彼鏡像亦滅無可化衆生  
如來不出世琉璃寶地淨示現佛妙像  
彼淨心不壞信根牙增長白淨法生滅  
佛像亦生滅如來不生滅猶如帝釋王  
此業自然有見是等現前法身不生滅  
盡諸際常住  
次說天中妙鼓辭喻偈言

天妙法鼓聲依自業而有諸佛說法音  
衆生自業聞如妙聲遠離功用憂身心  
令一切諸天離怖得寂靜佛聲亦如是  
離功用身心令一切衆生得證寂滅道  
於彼戰鬪時為破修羅力因鼓出畏聲  
令修羅退散如來為衆生滅諸煩惱苦  
為世間說法亦勝禪定道  
一切世間人不覺自過失偈言  
聳不聞細聲天耳聞不遍唯智者境界  
以聞心不染

次說雲雨辭喻偈言  
知有起悲心遍滿世間處定持無垢藏  
佛雨淨榮因世間依善業依風生雲雨  
依悲等增長佛妙法雲雨  
依止器世間雨水味變壞偈言

辟如虛空中雨八功德水到鹹等住處  
生種種異味如來慈悲雲雨八聖道水  
到衆生心處生種種解味  
無差別心偈言

信於妙大乘及中謗法者人遮多鳥鬼  
此三聚相似正定聚衆生習氣不定聚  
身見邪定聚邪見派生死秋天無雲雨  
人空鳥受苦夏天多雨水燒鬼令受苦  
佛現世不現悲雲雨法雨信法器能得  
謗法有不聞  
不護衆生偈言

天雨如車軸澍下衝大地電及礮礮石  
金剛爆火等不護微細虫山林諸果樹  
草穀稻粳等行人故不雨如來亦如是  
於麤細衆生相應諸方便般若悲雲雨  
諸煩惱習氣我邪見衆生如是種類等  
一切智不護  
為滅苦火偈言

寶性論卷第一 第十八張 迦字第

知病離病因取無病修樂苦因彼滅道  
知離觸修等無始世生死彼流轉五道  
五道中受樂猶如臭爛糞寒熱惱等觸  
諸苦畢竟有為令彼除滅降大妙法雨  
知天中退苦人中追求苦有智者不求  
人天自在樂慧者信佛語已信者知苦  
亦復知苦因觀滅及知道

次說梵天辭喻偈言

梵天過去願依諸天淨業梵天自然現  
化佛身亦亦梵宮中不動常現於欲界  
諸天見妙色失五欲境界佛法身不動  
而常現世間衆生見歡喜不樂諸有樂  
有現不現偈言

從天退入胎現生有父母在家示嬰兒  
習學諸伎藝戲樂及遊行出家行苦行  
現就外道學降伏於天魔成佛轉法輪  
示道入涅槃諸薄福衆生不能見如來  
次說日辭喻偈言

如日光初出普照諸蓮華有同一時開  
亦有一時合佛白亦如是照一切衆生  
有智如華開有罪如華合如日照水華  
而日無分別佛日亦如是照而無分別  
次第偈言

寶性論卷第一 第十九張 迦字第

日初出世間千光次第照先照高大  
後照中下山佛日亦如是次第照世間  
先照諸菩薩後及餘衆生  
光明輪不同偈言

色智身二法大悲身如空遍照諸世間  
故佛不同日日不能遍照諸國土虛空  
不破無明闇不示可知境放種種諸色  
光明雲羅網示大慈悲體真如妙境界  
佛入城聚落無眼者得眼見佛得大利  
亦滅諸惡法無明沒諸有邪見黑闇障  
如來日光照見慧未見處

次說摩尼珠辭喻偈言

一時同處住滿足所求意摩尼寶無心  
而滿衆生願自在大法王同住於悲心  
衆生種種聞佛心無分別  
次說響辭喻偈言

辭如諸響聲依他而得起自然無分別  
非內非外住如來聲亦依他心而起  
自然無分別非內非外住  
次說虛空辭喻偈言

無物不可見無觀無依止過眼識境界  
無色不可見空中見高下而空不如是  
佛中見一切其義亦如是

寶性論卷第一 第二十張 迦字第

次說地辭喻偈言

一切諸草木依止大地生地無分別心  
而增長成就衆生心善根依止佛地生  
佛無分別心而增廣成就佛聲猶如響  
以無名字說佛身如虛空遍不可見常  
如依地諸法一切諸妙藥遍為諸衆生  
不限於一人依佛地諸法白淨妙法藥  
遍為諸衆生不限於一人

究竟乘寶性論校量信功德品第十一

佛性佛菩提佛法及佛業諸出世淨人  
所不能思議此諸佛境界若有能信者  
得無量功德勝一切衆生以求佛菩提  
不思議果報得無量功德故勝諸世間  
若有人能捨摩尼諸珍寶遍布十方界  
無量佛國土為求佛菩提施與諸法王  
是人如是施無量恒沙劫若復有人聞  
妙境界一句聞已復能信過施福無量  
若有智慧人奉持無上戒身口意業淨  
自然常護持為求佛菩提如是無量劫  
是人所得福不可得思議若復有人聞  
妙境界一句聞已復能信過戒福無量  
若人入禪定焚三界煩惱過天行彼岸  
無菩提方便若復有人聞妙境界一句

聞已復能信過禪福無量無慧人能捨  
唯得富貴報修持禁戒者得生人天中  
修行斷諸障非慧不能除慧除煩惱障  
亦能除智障聞法為慧因是故聞法勝  
何況聞法已復能生信心我此所說法  
為自心清淨依諸如來教修多羅相應  
若有智慧人聞能信受者我此所說法  
亦為攝彼人依燈摩尼日月等諸明  
一切有眼者皆能見境界依佛法光明  
慧眼者能見以法有是利故我說此法  
若一切所說有義有法句能令修行者  
遠離於三界及示寂靜法最勝無上道  
佛說是正經餘者顛倒說雖說法句義  
斷三界煩惱無明覆慧眼貪等垢所縛  
又於佛法中取少分說者世典善言說  
彼三尚可受何況諸如來遠離煩惱垢  
無漏智慧人所說修多羅以離於諸佛  
一切世間中更無勝智慧如實知法者  
如來說了義彼不可思議思者是謗法  
不識佛意故謗聖及壞法此諸邪思惟  
煩惱愚癡人妄見所計故故不應執著  
邪見諸垢法以淨衣受色垢膩不可染  
問曰以何因緣有此謗法答曰偈言

愚不信白法邪見及憍慢過去謗法障  
執者不了義者供養恭敬唯見於邪法  
遠離善知識親近謗法者樂者小乘法  
如是等眾生不信於大乘故謗諸佛法  
智者不應畏怨家蛇火毒因陀羅礮  
刀杖諸惡獸虎狼師子等彼但能斷命  
不能令人入可畏阿鼻獄應畏謗深法  
及謗法知識決定令人入可畏阿鼻獄  
雖近惡知識惡心出佛血及殺害父母  
斷諸聖人命破壞和合僧及斷諸善根  
以繫念正法能解脫彼屢若復有餘人  
誹謗甚深法彼人無量劫不可得解脫  
若人令眾生覺信如是法彼是我父母  
亦是善知識彼人是智者以如來滅後  
迴邪見顛倒令入正道故三寶清淨性  
菩提功德業我略說七種與佛經相應  
依此諸功德願於命終時見無量壽佛  
無邊功德身我及餘信者既見彼佛已  
願得離垢眼成無上菩提  
論曰第一教化品如向偈中已說應  
知此論廣門有七品中則七品略  
唯一品初釋一品具攝此論法義體  
相應知偈言

佛法及眾僧性道功德業略說此論體  
七種金剛句  
此偈明何義言金剛者猶如金剛難  
可沮壞所證之義亦復如是故言金  
剛所言句者以此論句能與論義為  
根本故此明何義內身證法無言之  
體以聞思智難可證得猶如金剛名  
字章句以能詮彼理中證智隨順正  
道能作根本故名為句此復何義有  
二義故何謂二義一難證義二者因  
義是名為義金剛字句應如是知  
又何謂為義何謂為字義者則有七  
種證義何謂七義一者佛義二者法  
義三者僧義四者眾生意義五者菩提  
義六者功德義七者業義是名為義  
是故經言又第一義諦者所謂心緣  
尚不能知何況名字章句故所言字  
者隨以何等名字章句言語風聲能  
表能說能明能示此七種義是名為  
字是故經言又世諦者謂世間中所  
用之事名字章句言語所說故又此  
七種金剛句義如諸經中廣說應知  
應云何知依佛義故如來經中告阿

寶性論卷第一 第二十五節 妙字

難言阿難所言如來者非可見法是故  
眼識不能得見故依法義故如來經  
中告阿難言阿難所言法者非可說  
事以是故非耳識所聞故依僧義故  
如來經中告阿難言阿難所言僧者  
名為無為是故不可身心供養禮拜  
讚歎故依衆生義故如來經中告舍  
利弗言舍利弗言衆生者乃是諸佛  
如來境界一切聲聞辟支佛等以正  
智慧不能觀察衆生之義何況能證  
毛道凡夫於此義中唯信如來是故  
舍利弗隨如來信此衆生義舍利弗  
言衆生者即是第一義諦舍利弗言  
第一義諦者即是衆生界舍利弗言  
衆生界者即是如來藏舍利弗言如  
來藏者即是法身故依菩提義故經  
中說言世尊言阿耨多羅三藐三菩  
提者名涅槃界世尊言涅槃界者即  
是法身故依功德義故如來經中告  
舍利弗言舍利弗如來所說法身義  
者過於恒沙不離不脫不思議佛法  
如來智慧功德舍利弗如世間燈明  
色及觸不離不脫又如摩尼寶珠明

寶性論卷第一 第二十五節 妙字

色形相不離不脫舍利弗法身之義  
亦復如是過於恒沙不離不脫不思  
議佛法如來智慧功德依業義故  
如來經中告文殊師利言文殊師利  
如來不分別不分別無分別而自然  
無分別如所作業自然行故如是等  
名略說七種金剛字句惣攝此論體  
相應知是故偈言  
七種相次第惣持自在王菩薩修多羅  
序分有三句餘殘四句者在菩薩如來  
智慧差別分應當如是知  
此偈明何義以是七種金剛字句惣  
攝此論一切佛法廣說其相如陀羅  
尼自在王經序分中三句餘四句在  
彼修多羅菩薩如來法差別分應知  
云何序分有初三句彼修多羅序分  
中言婆伽婆平等證一切法善轉法  
輪善能教化調伏無量諸弟子衆如  
是三種根本字句次第示現佛法僧  
寶說彼三寶次第生起成就應知餘  
四句者說隨順三寶因成就三寶因  
應知此明何義以諸菩薩於八地中  
十自在為首具足得一切自在是故

寶性論卷第一 第二十六節 妙字

菩薩坐於道場勝妙之處於一切法  
中皆得自在是故經言婆伽婆平等  
證一切法故以諸菩薩住九地時於  
一切法中得為無上最大法師善知  
一切諸衆生心到一切衆生根機第  
一彼岸能斷一切衆生煩惱習氣是  
故菩薩成大菩提是故經言善轉法  
輪故以諸菩薩於第十地中得住無  
上法王位後能於一切佛所作業自  
然而行常不休息是故經言善能教  
化調伏無量諸弟子衆故彼善能教  
化調伏無量諸弟子衆即彼經中次  
後示現是故經言與大比丘衆俱如  
是乃至復有無量菩薩衆俱如是次  
第善能教化聲聞位地及佛菩提善  
能調伏一切煩惱如是畢竟有無量  
功德又說聲聞菩薩諸功德已次說  
諸佛如來不可思議三昧境界又說  
諸佛如來三昧境界已次說無垢大  
寶莊嚴寶殿成就又說大寶莊嚴寶  
殿成就已次說大衆雲集種種供養  
讚歎如來雨種種衣雨種種華雨種  
種香如是等示現佛寶不思議事應

知又復次說妙法莊嚴法座又說妙法莊嚴法座已次說法門名字及示現功德此明法寶功德差別應知又復次說諸菩薩摩訶薩迭共三昧行境界示現種種功德此明僧寶功德差別應知又復次說如來放大光明授諸菩薩摩訶薩太子法王位職又復次說與大無畏不怯弱辯才又復讚歎諸佛如來第一功德又復次說寂上第一大乘之法示現如實修行彼大乘故於法中證果即彼三寶無上功德次第差別序分中義大都已竟應如是知已說自在王菩薩修多羅序分中三寶次說佛性義有六十種法清淨彼功德何以故以有彼清淨無量功德性為清淨彼性修六十種法為此義故十地經中數數說金以為譬喻為清淨彼佛性義故又復即於此隨羅尼自在王經中說如來業已次說不清淨大毗琉璃摩尼寶喻是故經言善男子譬如善巧摩尼寶師善知清淨大摩尼寶向大摩尼寶性山中取未清淨諸摩尼寶既取

彼寶以醃灰洗醃灰洗已然後復持黑頭髮衣以用揩磨不以為足勤未休息次以辛味飲食汁洗食汁洗已然後復持衣纏裹木以用揩磨不以為足勤未休息次後復以大藥汁洗藥汁洗已次後復更持細軟衣以用揩磨以細軟衣用揩磨已然後遠離銅鐵等鑛毗琉璃垢方得說言大琉璃寶善男子諸佛如來亦復如是善知不淨諸眾生性知已乃為說無常苦無我不淨為驚怖彼樂世眾生令厭世間入聲聞法中而佛如來不以為足勤未休息次為說空無相無願令彼眾生少解如來所說法輪而佛如來不以為足勤未休息次復為說不退法輪次說清淨波羅蜜行謂不見三事令眾生入如來境界如是依種種因緣依種種性入佛法中入法中已故名無上最大福田又復依此自性清淨如來性故經中偈言  
譬如石鑛中真金不可見能清淨者見  
見佛亦如是  
向說佛性有六十種淨業功德何謂

六十所謂四種菩薩莊嚴八種菩薩光明十六種菩薩摩訶薩大悲三十二種諸菩薩業  
已說佛性義次說佛菩提有十六種無上菩提大慈悲心  
已說佛菩提次說諸佛如來功德所謂十力四無所畏十八不共法三十二相已說功德次說如來三十二種無上大業如是七種金剛句義彼修多羅廣說體相如是應知問曰此七種句有何次第答曰偈言  
從佛次有法次法復有僧僧次無尋性從性次有智十力等功德為一切眾生而作利益業有如是次第  
已說一品具攝此論法義體相次說七品具攝此論法義體相解釋偈義應知歸敬三寶者此明何義所有如來教化眾生彼諸眾生歸依於佛尊敬如來歸依於法尊敬如來歸依於僧依於三寶說十二偈初明佛寶故說四偈  
究竟一乘寶性論卷第一

究竟一乘寶性論卷第一

校勘記

一 底本，金藏廣勝寺本。

一 四七八頁中二行「中印度三藏勒那摩提譯」，**資、磧、普、南、經、清**作「元魏天竺三藏勒那摩提譯」；

**麗**作「後魏中印度三藏勒那摩提譯」。以下各卷同。

一 四七八頁中三行首字「教」，**資、磧、普、南、經、清**作「本教」。

一 四七八頁中三行「教化品第一」下小字左第二字「開」，**資、磧、南、經、清**作「聞」。

一 四七八頁中八行第三字「名」，**經**作「明」。

一 四七八頁中一〇行「取同」，**資、磧、普、南、經、清**作「同取」。

一 四七八頁中一四行、一五行及一六行「諸人」，**資、磧、普、南、經、清**作「之人」。

一 四七八頁下四行「頂礼無上尊」，

諸本(不含石，下同。)作「為正法久住」。

一 四七八頁下五行品名上經名，**經、清**無，以下各卷同。

一 四七八頁下五行經名與品名間，**資、磧、普、南、經、清**有一「本」字。

以下品名(**資、磧、普、南**第九品除外)同。

一 四七八頁下一〇行第一四字「稠」，**資**作「調」。

一 四七九頁上一行第五字「者」，**資、磧、普、南、經、清**作「眼」。

一 四七九頁上二〇行「海器」，**資、磧、普、南、經、清**作「海珍」。

一 四七九頁上末行第九字「有」，**麗**作「雜」。

一 四七九頁中五行「火不」，**資、磧、普、南**作「人不」。

一 四七九頁中一二行「邪心」，諸本作「邪念」。

一 四七九頁下三行「等中」，**資、磧、普、南、經、清**作「中堅」。

一 四七九頁下四行第八字「珍」，**經**作「真」。

一 四七九頁下一四行第七字「於」，**資、磧、普、南、經、清**作「在」。

一 四七九頁下一九行第五字及二一行末字「葉」，**資、磧、普、南、清**作「菓」；**經**作「果」。

一 四八〇頁上六行「微妙」，**資、磧、普、南、經、清**作「微塵」。

一 四八〇頁上八行「味美」，**資、磧、普、南、經、清**作「美味」。

一 四八〇頁中一六行「言不」，諸本作「不言」。

一 四八〇頁下六行「依日」，諸本作「依白」。

一 四八〇頁下一九行「賤女」，**資、磧、普、南、經、清**作「貧女」。

一 四八一頁上一行第一一字「三」，**資、磧、普、南、經、清**作「王」。

一 四八一頁上三行「亦尔」，**資、磧、普、南、經、清**作「亦然」。

一 四八一頁上一二行及一三行「真

寶」，**資、磧、普、南、經、清**作「真金」。

一 四八一頁上一四行「客垢」，**資、磧、普、南、經、清**作「客塵」。

一 四八一頁上一五行「穢泥」，**資、磧、普、南、經、清**作「泥模」。

一 四八一頁上一七行首字「儼」，**經、清**作「儼」。

一 四八一頁上一九行「說品」，**資、磧、普、南、經、清**作「說法品」。

一 四八一頁中七行「快大」，**資、磧、普、南、經、清**作「大快」。

一 四八一頁中二二行「清淨」，**麗**作「清涼」。

一 四八一頁下二行「出乎」，**資、磧、普、南、經、清**作「出于」。

一 四八一頁下二行「與佛」，**資、磧、普、南、經、清**作「嘗佛」。

一 四八二頁上一九行「果性」，諸本作「業性」。

一 四八二頁上一九行「隨修」，**資、磧、普、南、經、清**作「道修」。

一 四八二頁中二二行「闕障」，**資、磧、普、南、經、清**作「障礙」。

一 四八二頁下一四行「白踰」，**資、磧、普、南、經、清**作「白喻」。

一 四八二頁下一四行「平齊」，**資、磧、普、南、經、清**作「齊平」。

一 四八三頁上四行第一〇字「寶」，後，諸本有「如來智亦亦」。

一 四八三頁上九行第五字「業」，**資、磧、普、南、經、清**作「譬」。

一 四八三頁上一六行及一八行「現不見」，**資、磧、普、南、經、清**作「見不見」。

一 四八三頁中四行「地淨」，**資、磧、普、南、經、清**作「池淨」。

一 四八三頁中一〇行「亦生」，**資、磧、普、南、經、清**作「示生」。

一 四八三頁中二〇行「亦勝」，**麗**作「示勝」。

一 四八三頁下三行第四字「繫」，諸本作「穀」。

一 四八三頁下二一行「種類等」，**資、磧、普、南、經、清**作「種類」。

**資、磧、普、南、經、清**作「種種類」。

一 四八四頁上一行「病因」，**資、磧、普、南、經、清**作「苦因」。

一 四八四頁上二行第一一字「彼」，**麗**作「波」。

一 四八四頁上一七行首字「示」，**資、磧、普、南**作「小」。

一 四八四頁上二一行第八字「如」，**資、磧、普、南、經、清**作「而」。

一 四八四頁中一七行第七字「他」，**經**作「地」。

一 四八五頁上三行第六字「非」，諸本作「悲」。

一 四八五頁上一一行「能令」，**經**作「能今」。

一 四八五頁上一四行末字「縛」，**資、磧、普、南、經、清**作「纏」。

一 四八五頁上一五行「說者」，**資、磧、普、南、經、清**作「別說」。

一 四八五頁中一五行末字「性」，**資、磧、普、南、經、清**作「信」。

一 四八五頁中一九行末字「提」後，

- 一 四八五頁中二一行第七字「七」，諸本作「十」。
- 一 四八五頁下一行「及衆僧性道」，資、碩、普、南、徑、清作「僧寶性菩提」。
- 一 四八五頁下五行「論義」，諸本作「證義」。
- 一 四八五頁下一〇行第八字「一」，資、碩、普、南、徑、清作「一者」。
- 一 四八六頁上六行「是故」，資、碩、普、南、徑、清無。
- 一 四八六頁上六行「供養」，資、碩、普、南、徑、清作「供養是故非」。
- 一 四八六頁中二行「不脫」，資、碩、普、南、徑、清作「不脫不異」。
- 一 四八六頁中一一行「差別分」，資、

- 一 四八六頁中一四行第一一字「餘」，資、碩、普、南、徑、清作「自餘」。
- 一 四八七頁上二行「法座」，資、碩、普、南、徑、清作「次座」。
- 一 四八七頁上一一行第一一字「彼」，徑作「波」。
- 一 四八七頁中一行第四字及第七字「嚴」，諸本作「嚴」。
- 一 四八七頁中一八行第四字「緣」，諸本無。
- 一 四八七頁中二一行「者見」，資、碩、普、南、徑、清作「見者」。
- 一 四八七頁下七行「三十二相」，諸本無。
- 一 四八七頁下末行卷末經名，資、碩、普、南、徑、清無（未換卷）。

究竟一乘寶性論卷第二

竭

後魏中印度三藏勒那摩提譯

佛寶品第二

佛體無前際及無中間際亦復無後際  
寂靜自覺知既自覺知已為欲令他知  
是故為彼說無畏常恒道佛能執持彼  
智慧慈悲刀及妙金剛杵割截諸苦芽  
摧碎諸見山覆藏顛倒意及一切稠林  
故我今敬禮

此偈示現何義偈言

無為體自然不依他而知智慧及以力  
自他利具足

此偈略明佛寶所攝八種功德何等  
為八一者無為體二者自然三者不  
依他知四者智五者悲六者力七者  
自利益八者他利益偈言

非初非中後自性無為體及法體寂靜  
故自然應知唯內身自證故不依他知  
如是三覺知慈心為說道智慧及力等  
拔苦煩惱初三句自利後三句利他  
此偈明何義遠離有為名為無為應  
知又有為者生住滅法無彼有為是

故佛體非初中後故得名為無為法  
身應知偈言佛體無前際及無中間  
際亦復無後際故又復遠離一切戲  
論虛妄分別寂靜體故名為自然應  
知偈言寂靜故不依他知者不依他  
因緣證知故不依他因緣證知者不  
依他因緣生故不依他因緣生者自  
覺不依他覺故如是依於如來無為  
法身相故一切佛事無始世來自然  
而行常不休息如是希有不可思議  
諸佛境界不從他聞不從他聞者不  
從師聞自在智無言之體而自覺知  
偈言自覺知故既自覺知已然後為他  
生盲衆生今得覺知為彼證得無為法  
身說無上道是故名為無上智慧應知  
偈言既自覺知已為欲令他知是故為  
彼說無畏常恒道故無畏常恒道者明  
道無畏是常是恒以出世間不退轉  
法如是次第又拔他苦煩惱根本如  
來智慧慈悲及神力如是三句刀金  
剛杵譬喻示現又以何者為苦根本  
略說言之謂三有中生名色是又何  
者為煩惱根本謂身見等虛妄邪見

寶性論卷第二 第三張 竭

疑戒取等又名色者是彼所攝所生  
苦芽應知如來智慧慈悲心等能割  
彼芽以是義故說刀譬喻偈言佛能  
執持彼智慧慈悲刀故割截諸苦芽  
故又邪見疑所攝煩惱見道遠離以  
世間智所不能知稠林煩惱不能破  
壞如世間中樹林牆等彼相似法以  
如來力能破壞彼以是故說金剛杵  
譬喻偈言及妙金剛杵故摧碎諸見山  
覆藏顛倒意及一切稠林故此六種  
句如來莊嚴智慧光明入一切佛境  
界經中次第顯說應知應云何知彼  
經中言文殊師利如來應正遍知不  
生不滅者此明如來無為之相又復  
次說無垢清淨琉璃地中帝釋王身  
鏡像現等如是乃至九種譬喻皆明  
如來不生不滅又言文殊師利如來  
應正遍知清淨法身亦復如是不動  
不生心不戲論不分別不分別無分  
別不思無思不思議無念寂滅寂靜  
不生不滅不可見不可聞不可嗅不  
可嘗不可觸無諸相不可覺不可知  
如是等句皆說寂靜差別之相此明

寶性論卷第二 第三張 竭

何義明佛一切所作事中遠離一切戲論分別寂靜自然次說餘殘修多羅彼中說言如實覺知一切法門者此明如來不依他故證大菩提又復次說如來菩提有十六種是故經言文殊師利如來如是如實覺知一切諸法觀察一切眾生法性不淨有垢有點奮迅於諸眾生大悲現前此明如來無上智悲應知文殊師利如來如是如實覺知一切法者如向前說無體為體如實覺知者如實無分別佛智知故觀察一切眾生法性者乃至邪聚眾生如我身中法性法體法界如來藏等彼諸眾生亦復如是無有差別如來智眼了了知故不淨者以諸凡夫煩惱障故有垢者以諸聲聞辟支佛等有智障故有礙者以諸菩薩摩訶薩等依彼二種習氣障故奮迅者能如實知種種眾生可化方便入彼眾生可化方便種種門故大悲者成大菩提得於一切眾生平等大慈悲心為欲令彼一切眾生如佛證智如是覺知證大菩提故次於一

寶性論卷第二 第四張 竭

切眾生平等轉大法輪常不休息如是三句能作他利益故名為力應知又此六句次第初三種句謂無為等功德如來法身相應示現自利益餘三種句所謂智等示現他利益又復有義以有智慧故證得第一寂靜法身是故名為自利益又依慈悲力等二句轉大法輪亦現他利益已說佛寶次明法寶

究竟一乘寶性論法寶品第三  
論曰依彼佛寶有真法寶以是義故次佛寶後示現法寶依彼法寶故說四偈

非有亦非無 亦復非有無亦非即於彼  
亦復不離彼 不可得思量非聞慧境界  
出離言語道 內心知清涼彼真妙法日  
清淨無塵垢 大智慧光明普照諸世間  
能破諸障障 覺觀貪瞋癡一切煩惱等  
故我今敬礼

此偈示現何義偈言  
不思議不二無分淨現對依何得何法  
離法二諦相

此偈略明法寶攝攝八種功德何等

寶性論卷第二 第五張 竭

為八一者不可思議二者不二三三者無分別四者淨五者顯現六者對治七者離果八者離因離者偈言

滅諦道諦等 二諦攝取離彼各三功德  
次第說應知

此偈明何義前六功德中初三種功德不思議不二及無分別等示現彼滅諦攝取離煩惱應知餘殘有三句淨顯現對治示現彼道諦攝取斷煩惱因應知又證法所有離名為滅諦以何等法修行斷煩惱名為道諦以此二諦合為淨法以二諦相名為離法應知偈言

不思議無言 智者內智知以如是義故  
不可得思議 清涼不二法及無分別法  
淨顯現對治 三句猶如日

此偈明何義略明滅諦有三種法以是義故不可思議應知以何義故不可思議有四義故何等為四一者為無二者為有三者為有無四者為二偈言非有亦非無亦復非有無亦非即於彼亦復不離彼故滅諦有三種法應知者此明何義滅諦非可知有

寶性論卷第二 第六張 竭

三種法何等為三一者非思量境界故偈言不可得思量非聞慧境界故二者遠離一切聲響名字章句言語相類故偈言出離言語道故三者聖人內證法故偈言內心知故又滅諦六何不二法者及六何無分別者如不增不減經中如來說言舍利弗如來法身清涼以不二法故以無分別法故偈言清涼故何者是二而說不二所言二者謂業煩惱言分別者所謂集起業煩惱因及邪念等以知彼自性本來寂滅不二無二行知苦本來不生是名苦滅諦非滅法故名苦滅諦是故經言文殊師利何等法中無心意意識行彼法中無分別以無分別故不起邪念以有正念故不起無明以不起無明故即不起十二有支以不起十二有支故即名無生是故聖者勝鬘經言世尊非滅法故名苦滅諦世尊所言苦滅者名無始無作無起無盡離盡常恒清涼不變自性清淨離一切煩惱藏所經世尊過於恒沙不離不脫不異不思議佛法

寶性論卷第二 第七張 竭

畢竟成就說如來法身世尊如是如來法身不離煩惱藏所經名如來藏如是等勝鬘經中廣說滅諦應知又以何因得此滅諦如來法身謂於見道及修道中無分別智三種日相似相對法應知偈言彼真妙法日故何等為三一者日輪清淨相似相對法以遠離一切煩惱垢故偈言清淨無塵垢故二者顯現一切色像相似相對法以一切種一切智能照知故偈言大智慧光明故三者對治闇相似相對法以起一切種智對治法故偈言普照諸世間故又以何者是所治法所謂依取不實事相虛妄分別念生貪瞋癡結使煩惱此明何義愚癡凡夫依結使煩惱取不實事相念故起於貪心依瞋恚故起於瞋心依於無明虛妄念故起於癡心又復依彼貪瞋癡等虛妄分別取不實事相念起邪念心依邪念心起於結使依於結使起貪瞋癡以是義故身口意等造作貪業瞋業癡業依此業故復有生生不斷不絕如是一切愚癡凡夫依結

寶性論卷第二 第八張 竭

使煩惱集起邪念依邪念故起諸煩惱依煩惱故起一切業依業起生如是此一切種諸煩惱染業染生染愚癡凡夫不如實知不如實見一實性界如彼如實性觀察如實性而不取相以不取相故能見實性如是實性諸佛如來平等證知又不見如是虛妄法相如實知見如實有法真如法界以見第一義諦故如是二法不增不減是故名為平等證智是名一切種智所治障法應如是知以起真如智對治法故彼所治法畢竟不復生起現前偈言能破諸障障覺觀貪瞋癡一切煩惱等故又此得滅諦如來法身因於見道中及修道中無分別智廣說如摩訶般若波羅蜜等修多羅中言須菩提真如如來真如平等無差別如是等應知已說法寶次說僧寶

寶性論卷第二 第九張 竭

正覺正知者見一切衆生清淨無有我  
寂靜真實際以能知於彼自性清淨心  
見煩惱無實故離諸煩惱無障淨智者  
如實見衆生自性清淨性佛法僧境界  
無開淨智眼見諸衆生性遍無量境界  
故我今敬礼

此偈示現何義偈言

卍

如實知內身以智見清淨故名無上僧  
諸佛如來說

此偈明何義偈言

卍

如實見衆生寂靜真法身以見性本淨  
煩惱本來無

此偈明何義以如實見本際以來我  
空法空應知偈言正覺正知者見一  
切衆生清淨無有我寂靜真實際故  
又彼如實知無始世來本際寂靜無  
我無法非滅煩惱證時始有此明何  
義此見自性清淨法身略說有二種  
法何等為二一者見性本來自性清  
淨二者見諸煩惱本來寂滅偈言以  
能知於彼自性清淨心見煩惱無實  
故離諸煩惱故又自性清淨心本來  
清淨又本來常為煩惱所染此二種

寶性論卷第二 第十張 竭

法於彼無漏真如法界中善心不善  
心俱更無第三心如是義者難可覺  
知是故聖者勝鬘經言世尊刹尼迦  
善心非煩惱所染刹尼迦不善心亦  
非煩惱所染煩惱不觸心心不觸煩  
惱去何不觸法而能得染心世尊然  
有煩惱有煩惱染心自性清淨心而  
有染者難可了知如是等聖者勝鬘  
經中廣說自性清淨心及煩惱所染  
應知又有二種修行謂如實修行及  
遍修行難證知義如實修行者謂見  
衆生自性清淨佛性境界故偈言無  
障淨智者如實見衆生自性清淨性  
佛法身境界故遍修行者謂遍十地  
一切境界故見一切衆生有一切智  
故又遍一切境界者以遍一切境界  
依出世間慧見一切衆生乃至畜生  
有如來藏應知彼見一切衆生有真  
如佛性初地菩薩摩訶薩以遍證一  
切真如法界故偈言無開淨智眼見  
諸衆生性遍無量境界故如是內身  
自覺知彼無漏法界無障无開依於  
二法一者如實修行二者遍修行此

寶性論卷第二 第十張 竭

明何義謂出世間如實內證真如法  
智不共二乘凡夫人等應知此明何  
義菩薩摩訶薩出世間清淨證智略  
說有二種勝鬘經聞辟支佛證智何等  
為二一者無障二者無尋無障者謂  
如實修行見諸衆生自性清淨境界  
故名無障無開者謂遍修行以如實  
知無邊境界故名无開此明何義  
偈言

如實知見道見清淨佛智故不退聖人  
能作衆生依

此偈明何義又依初地菩薩摩訶薩  
證智清淨見道不退地乘能作見彼  
無上菩提清淨勝因應知偈言如實  
知見道見清淨佛智故此初地證智  
勝餘菩薩摩訶薩布施持戒等波羅  
蜜功德以是義故菩薩摩訶薩依如  
實見真如證智是故能與一切衆生  
天龍八部聲聞辟支佛等作歸依處  
偈言不退聖人能作衆生依故  
問曰以何義故不明歸依聲聞僧寶  
答曰菩薩僧寶功德無量是故應供  
以應供故合應礼拜讚歎供養聲聞

寶性論卷第二 第十張 竭

之人無如是義以是義故不明歸依  
聲聞僧寶此明何義偈言

境界諸功德證智及涅槃 諸地淨無垢  
滿足大慈悲 生於如來家 具足自在通  
果勝實無上 是勝歸依義

此偈明何義略說菩薩十種勝義過  
諸聲聞辟支佛故何等為十一者觀  
勝二者功德勝三者證智勝四者涅  
槃勝五者地勝六者清淨勝七者平  
等心勝八者生勝九者神力勝十者  
果勝觀勝者謂觀真如境界是名觀  
勝偈言境界故功德勝者菩薩修行  
無厭足不同二乘少欲等是名功德  
勝偈言功德故證智勝者證二種無  
我是名證智勝偈言證智故涅槃勝  
者教化眾生故是名涅槃勝偈言涅  
槃故地勝者所謂十地等是名地勝  
偈言諸地故清淨勝者菩薩遠離智  
障是名清淨勝偈言淨無垢故平等  
心勝者菩薩大悲遍覆是名平等心  
勝偈言滿足大慈悲故生勝者諸菩  
薩生無生故是名生勝偈言生於如來  
家故神力勝者謂三昧自在神通等力  
勝是名神力勝偈言具足三昧自在通

寶性論卷第二 第十三張 鳩

故果勝者究竟無上菩提故是名果勝  
偈言果勝取無上故此明何義有慧  
人知諸菩薩功德無量修習菩提無量  
无边廣大功德有大智慧慈悲圓滿為  
照知彼無量眾生性行稠林猶如初  
月唯除諸佛如來滿月菩薩摩訶薩  
知諸聲聞乃至證得阿羅漢道少智  
慧人無大悲心為照自身猶如星宿  
既如是知欲取如來大滿月身修菩  
提道而當棄捨初月菩薩起心禮拜  
供養其餘星宿聲聞辟支佛者無有  
是處此復何義明為利益一切眾生  
初始發起菩提之心諸菩薩等已能  
降伏不為利益他眾生身為自利益  
修持無漏清淨禁戒乃至證得阿羅  
漢果聲聞之人何況其餘得十自在  
等無量无边功德菩薩摩訶薩而同  
聲聞辟支佛等少功德人無有是處  
以是義故經中偈言

若為自身故 修行於禁戒 遠離大慈心  
捨破戒眾生 以為自身故 護持禁戒財  
如是持戒者 佛說非清淨 若為他人故  
修行於禁戒 能利益眾生 如地水火風

寶性論卷第二 第十三張 鳩

以為他眾生起第一悲心是名淨持戒  
餘似非清淨

問曰依何等義為何等人諸佛如來  
說此三寶答曰偈言

依能調所證 弟子為三乘信三供養等  
是故說三寶

此偈明何義略說依三種義為六種  
人故說三寶何等為三一者調御師  
二者調御師法三者調御師弟子偈  
言依能調所證弟子故六種人者何  
等為六一者大乘二者中乘三者小  
乘四者信佛五者信法六者信僧偈  
言為三乘信三供養等故初釋第一  
義第一第四人歸依兩足中最勝第  
一尊佛示現調御師大丈夫義故偈  
言依能調故為取佛菩提諸菩薩人  
故偈言為大乘故為信供養諸佛如  
來福田人故偈言信佛供養故以是  
義故說立佛寶偈言是故說佛寶故  
已釋第一義第一第四人次釋第二  
義第二第五人歸依離煩惱中最勝  
第一法示現調御師所證功德法故  
偈言依所證故為自然知不依他知

寶性論卷第二 第十三張 鳩

深因緣法辟支佛人故偈言為中乘故為信供養第一妙法福田人故偈言信法供養故以是義故說立法寶偈言是故說法寶故已釋第二義第二第五人次釋第三義第三第六人歸依諸眾中最勝第一諸菩薩僧示現調御師弟子於諸佛如來所說法中如實修行不相違義故偈言依弟子故為從他聞聲聞人故偈言為小乘故為信供養第一聖眾福田人故偈言信僧供養故以是義故說立僧寶偈言是故說僧寶故是名略說依三種義為六種人故諸佛如來說此三寶偈言依能調所證弟子為三乘信三供養等是故說三寶故又為可化眾生今次第入以是義故依於世諦示現明說立三歸依此明何義偈言可捨及虛妄無物及怖畏二種法及僧非究竟歸依此偈明何義法有二種何等為二一

實性論卷第二 第十六張 竭

捨故所證法者復有二種謂依因果二種差別以依何法證何法故此明何義所謂有道有為相攝若為有為相所攝者彼法虛妄偈言及虛妄故若虛妄者彼法非實若非實者彼非真諦非真諦者即是無常若無常者非可歸依又復若依彼聲聞道所得滅諦彼亦無物猶如燈滅唯斷少分諸煩惱若若如是者則是無物若無物者去何為他之所歸依偈言無物故僧者凡有三乘之人三乘人中依聲聞僧常有怖畏常求歸依諸佛如來求離世間此是學人所應作者未究竟故猶進趣向阿耨多羅三藐三菩提故所言怖畏者去何怖畏以阿羅漢雖盡有漏而不斷一切煩惱習氣彼於一切有為行相極怖畏心常現在前是故聖者勝鬘經言阿羅漢有恐怖何以故阿羅漢於一切無行怖畏想住如人執劍欲求害己是故阿羅漢無究竟樂何以故世尊依不求依如眾生無依彼彼恐怖以恐怖故則求歸依如是阿羅漢有怖畏以恐怖

實性論卷第二 第十七張 竭

故歸依如來故彼若如是有怖畏者彼人畢竟為欲遠離彼怖畏處求無畏處以是義故依遠離彼怖畏之處名為學者當有所作欲得阿耨多羅三藐三菩提無畏之處是故聲聞法僧二寶是少分歸依非究竟歸依偈言二種法及僧非究竟歸依故此明何義偈言眾生歸一處佛法身彼岸依佛身有法依法究竟僧此偈明何義如何所說諸佛如來不生不滅寂靜不二離垢法身故以唯一法身究竟清淨處故又三乘之人無有救者無歸依者以唯有彼岸無始本際畢竟無盡是可歸依恒可歸依所謂唯是諸佛如來故如是常恒清涼不變故可歸依聖者勝鬘經中廣說應知問曰以何義故佛法眾僧說名為寶答曰偈言真實世希有明淨及勢力能莊嚴世間最上不變等此偈明何義所言寶者有六種相似依彼六種相似相對法故佛法眾僧說

實性論卷第二 第十八張 竭

名為寶何等為六一者世間難得相似相對法以無善根諸眾生等百千萬劫不能得故偈言真實世希有故二者無垢相似相對法以離一切有漏法故偈言明淨故三者威德相似相對法以具足六通不可思議威德自在故偈言勢力故四者在嚴世間相似相對法以能在嚴出世間故偈言能在嚴世間故五者勝妙相似相對法以出世間法故偈言最上故六者不可改異相似相對法以得無漏法世間八法不能動故偈言不變故問曰依何等法有此三寶而依此法得有世間及出世間清淨生起三寶答曰為彼義故說兩行偈

真如有雜垢及遠離諸垢 佛無量功德及佛所作業如是妙境界是諸佛所知依此妙法身出生於三寶

此偈示現何義偈言  
如是三寶性唯諸佛境界以四法次第不可思議故

此偈明何義真如有雜垢者謂真如佛性未離諸煩惱所纏如來藏故及

寶性論卷第二 第十九段 明

遠離諸垢者即彼如來藏轉身到佛地得證法身名如來法身故佛無量功德者即彼轉身如來法身相中所出世間十力無畏等一切諸功德無量無邊故及佛所作業者即彼十力等一切諸佛法自然常作無上佛業常不休息常不捨離常授諸菩薩記彼處次第有四種法不可思議是故名為如來境界何等四處偈言

此偈明何義真如有雜垢者同一時中有淨有染此處不可思議不可思議者信深因緣法聲聞辟支佛於彼非境界故

是故聖者勝鬘經中佛告勝鬘言天女自性清淨心而有染汙難可了知有二法難可了知謂自性清淨心難可了知彼心為煩惱所染亦難了知天女如此二法汝及成就大法菩薩摩訶薩乃能聽受諸餘聲聞辟支佛等唯依佛語信此二法故偈言清淨相應處故及遠離諸垢者真如非本

寶性論卷第二 第二十九段 明

有染後時言清淨此處不可思議是故經言心自性清淨自性清淨心本來清淨如彼心本體如來如是知是故經言如來一念心相應慧得阿耨多羅三藐三菩提故偈言不染而清淨故佛無量功德者謂前際後際於一向染凡夫地中常不捨離真如法身一切諸佛法無異無差別此處不可思議是故經言復次佛子如來智慧無處不至何以故以於一切眾生界中終無有一眾生身中而不具足如來功德及智慧者但眾生顛倒不知如來智遠離顛倒起一切智無師智無尋智佛子譬如有一極大經卷如三千大千世界大千世界一切所有無不記錄若與二千世界等者悉記二千世界中事若與小千世界等者悉記小千世界中事四天下等者悉記一切四天下事須彌山王等者悉記須彌山王等事地天宮等者悉記地天宮殿中事欲天宮等者悉記欲天宮殿中事色天宮等者悉記色天宮殿中事若與無色天宮等者悉記一切無色界

寶性論卷第二 第三十段 明

天宮殿中事彼等三千大千世界極大經卷在一極細小微塵內一切微塵皆亦如是時有一人出興於世智慧聰達具足成就清淨天眼見此經卷在微塵內作如是念云何如此廣大經卷在微塵內而不饒益諸眾生耶我今應當勤作方便破彼微塵出此經卷饒益眾生作是念已

介時彼人即作方便破壞微塵出此經卷饒益眾生佛子如來智慧無相智慧無閑智慧具足在於眾生身中但愚癡眾生顛倒想覆不知不見不生信心介時如來以無障閉清淨天眼觀察一切諸眾生身既觀察已作如是言奇哉奇哉云何如來具足智慧在於身中而不知見我當方便教彼眾生覺悟聖道悉令永離一切妄想顛倒垢縛令具足見如來智慧在其身內與佛無異如來即時教彼眾生修八聖道捨離一切虛妄顛倒離顛倒已見如來智與如來等饒益眾生故偈言不相捨離法故及佛所作業者同一時一切處一切時自然無分

寶性論卷第二 第三張 明

別隨順眾生心隨順可化眾生根性不錯不謬隨順作佛業此處不可思議是故經言善男子如來為令一切眾生入佛法中故無量如來業作有量說善男子如來所有實作業者於彼一切世間眾生不可量不可數不可思議不可知不可以名字說何以故以難可得與前眾生故以於一切諸佛國土不休息故以一切諸佛悉平等故以過一切諸世間心所作事故以無分別猶如虛空悉平等故以無異無差別法性體故如是等廣說已又說不淨大毗琉璃摩尼寶珠譬喻言善男子汝依此譬喻應知如來業不可思議故平等遍至故一切處不可呵故三世平等故不斷絕三寶種故諸佛如來雖如是住不可思議業中而不捨離虛空法身雖不捨離虛空法身而於眾生隨所應聞名字章句為之說法雖為眾生如是說法而常遠離一切眾生心所念觀何以故以如實知一切眾生諸心行故偈言自然無分別故依此妙法身出生於

寶性論卷第二 第三張 明

三寶者得言  
 所覺菩提法依菩提分知菩提分教化  
 眾生覺菩提初句為正因餘三為淨緣  
 前二自利益後二利益他  
 此偈明何義此四種句惣攝一切所知境界此明何義初一句者謂所證法應知以彼證法名為菩提偈言所覺菩提法故第二句菩提依菩提分知者以諸佛菩提功德能作佛菩提因故偈言依菩提分知故第三句菩提分教化者以菩提分令他覺故第四句眾生覺菩提者所化眾生覺菩提故此四種句次第不取相依此行故清淨菩提出生三寶應知偈言所覺菩提法依菩提分知菩提分教化眾生覺菩提故以一句因三句緣故如來得阿耨多羅三藐三菩提以得菩提者十力等諸佛如來法三十二種諸佛如來作業依如來業眾生聞聲依彼法故得清淨因緣出生三寶應知是故偈言初句為正因餘三為淨緣故究竟一乘寶性論卷第二

癸卯歲高麗國大藏都監奉  
 勅雕造

寶性論卷第二 第三張 明

究竟一乘寶性論卷第二

校勘記

- 一 底本，麗藏本。
- 一 四九一頁上一行經名及二行譯者，諸本(不含石，下同)無(未換卷)。
- 一 四九一頁上三行品名上，[資]、[碩]、[普]、[南]有經名。
- 一 四九一頁上五行及中一六行「為欲令他知」，諸本作「覺他令他覺」。
- 一 四九一頁上二一行「名為」，諸本作「名曰」。
- 一 四九一頁中一行「名為」，諸本作「名」。
- 一 四九一頁中一二行「自自」，諸本作「自」。
- 一 四九一頁中一三行「偈言自覺知故既」，諸本無。
- 一 四九一頁中一六行第二字「言」，諸本作「言自覺知」。
- 一 四九一頁中一九行「根本」，[普]作「相本」。
- 一 四九一頁中二〇行「及神」，諸本作「神」。
- 一 四九一頁下一行第二字「戒」，諸本作「惑」。
- 一 四九一頁下一九行「別不分別」，諸本作「別」。
- 一 四九二頁上一〇行「前說」，諸本作「所說」。
- 一 四九二頁上一一行第四字「體」，諸本作「體如實覺知」。
- 一 四九二頁上一二行首字「佛」，諸本無。
- 一 四九二頁中五行第二字「種」，諸本無。
- 一 四九二頁中七行第六字「自」，諸本作「自身」。
- 一 四九二頁中一六行，四九六頁下一六行「清涼」，諸本作「清淨」。
- 一 四九二頁下三行第四字「果」，諸本無。
- 一 四九二頁下一五行第八字「不」，諸本作「無」。
- 一 四九二頁下二〇行「無二者為有」，諸本作「有二者為無」。
- 一 四九三頁中五行「及修道中」，諸本作「修道」。
- 一 四九三頁中一三行「何者」，[資]、[碩]、[普]、[南]作「可者」。
- 一 四九三頁中一七行第七字「起」，諸本無。
- 一 四九三頁中二二行第二字「業」，[資]、[碩]、[普]、[南]作「癡」。
- 一 四九三頁下一三行第九字「諸」，諸本無。
- 一 四九三頁下一五行「中及修道中」，諸本作「修道及」。
- 一 四九三頁下末行末字「偈」，諸本作「偈言」。
- 一 四九四頁上四行「淨性」，諸本作「淨法」。
- 一 四九四頁上四行「法僧」，諸本作「法身」。
- 一 四九四頁下二〇行第二字「言」，諸本作「言故」。

一 四九五頁上二行第六字「明」，諸本作「有」。

一 四九五頁上一九行首字「障」，諸本作「障煩惱障」。

一 四九五頁中二〇行「慈心」，諸本作「悲心」。

一 四九五頁下二行與三行之間，**寶**、**寶**、**寶**、**南**有「究竟一乘寶性論三寶品之二」一行；**經**、**清**有「三寶品之餘」一行。

一 四九五頁下四行第六字「日」，諸本無。

一 四九五頁下一三行第四字「乘」，諸本作「乘故」。

一 四九六頁中一一行第七字「之」，諸本無。

一 四九六頁中一三行第一三字「未」，**積**、**南**、**經**、**清**作「求」。

一 四九六頁中二〇行首字「想」，諸本作「相」。

一 四九六頁下三行第七字「依」，**經**作「彼」。

一 四九六頁下九行「一處」，諸本作「處一」。

一 四九六頁下一四行第九字「以」，諸本無。

一 四九六頁下一八行第二字「知」，諸本作「知故」。

一 四九七頁上一四行「生起」，諸本作「法出生」。

一 四九七頁上一五行「兩行」，諸本作「此二」。

一 四九七頁中一二行「雜垢」，**經**、**清**作「離垢」。

一 四九七頁中一四行「信深」，諸本作「信染」。

一 四九七頁下一行首字「有」，諸本無。

一 四九七頁下五行第七字「故」，諸本作「心故」。

一 四九七頁下二〇行、二一行及二二行「宮等」，諸本作「等」。

一 四九七頁下末行第一〇字至次頁上一行第三字「一……殿」，諸本

作「無色天宮」。

一 四九八頁中四行末字「有」，諸本作「有無」。

一 四九八頁下八行「菩提依」，諸本作「依」。

究竟一乘寶性論卷第三

竭

後魏中印度三藏勒那摩提譯

一切衆生有如來藏品第五

論曰自此已後餘殘論偈次第依彼四句廣差別說應知此以何義向前偈言

真如有雜垢及遠離諸垢佛無量功德及佛所作業如是妙境界是諸佛所知依此妙法身出生於三寶

此偈示現何義如向所說一切衆生有如來藏彼依何義故如是說偈言佛法身遍滿真如無差別皆實有佛性是故說常有

此偈明何義有三種義是故如來說一切時一切衆生有如來藏何等為三一者如來法身遍在一切諸衆生身偈言佛法身遍滿故二者如來真如無差別偈言真如無差別故三者一切衆生皆悉實有真如佛性偈言皆實有佛性故此三句義自此下論依如來藏修多羅我後時說應知如得本言

一切衆生界不離諸佛智以彼淨無垢性體不二故依一切諸佛平等法性身知一切衆生皆有如來藏體及因果業相應及以行時差別遍廣不變無差別彼妙義次第第一真法性我如是略說汝今應善知

此偈示現何義略說此偈有十種義依此十種說第一義實智境界佛性差別應知何等為十一者體二者因三者果四者業五者相應六者行七者時差別八者遍一切處九者不變十者無差別初依體因故說一偈自性常不染如寶空淨水信法及般若三昧大悲等

此初半偈示現何義偈言自在力不變思實體柔軟寶空水功德相似相對法此偈明何義向說三種義彼三種義次第依於自相同相如來法身三種清淨功德如如意寶珠虛空淨水相似相對法應知此明何義思者依如來法身所思所修皆悉成就故後半偈者示現何義偈言

寶性論卷第三 第三頌 竭

有四種障導謗法及著我怖畏世間苦捨離諸衆生

此偈明何義偈言

卍

闡提及外道聲聞及自覺信等四種法清淨因應知

此偈明何義略說一切衆生界中有三種衆生何等為三一者求有二者遠離求有三者不求彼二求有有二種何等為二一者謗解脫道無涅槃性常未住世間不求證涅槃二者於佛法中闡提同位以謗大乘故是故不增不減經言舍利弗若有比丘比丘尼優婆塞優婆夷若起一見若起二見諸佛如來非彼世尊如是等人非我弟子舍利弗是人以起二見因緣從閻入閻從冥入冥我說是等名一闡提故偈言謗法故闡提故遠離求有者亦有二種何等為二一者無求道方便二者有求道方便無求道方便者亦有二種何等為二一者多種外道種種邪計謂僧佉衛世師尼捷隨若提子等無求道方便二者於佛法中同外道行雖信佛法而顛倒

寶性論卷第三 第三頌 竭

取彼何者是謂犢子等見身中有我等不信第一義諦不信真如法空佛說彼人無異外道復有計空為有以我相憍慢故何以故以如來為說空解脫門令得覺知而被人計唯空無實為彼人故實積經中佛告迦葉寧見計我如須彌山而不用見憍慢眾生計空為有迦葉一切邪見解空得離若見空為有彼不可化令離世間故偈言及著我故及外道故有方便求道者亦有二種何等為二一者聲聞偈言怖畏世間苦故聲聞故二者辟支佛偈言捨離諸眾生故及自覺故不求彼二者所謂第一利根眾生諸菩薩摩訶薩何以故以諸菩薩不求彼有如一闍提故又亦不同無方便求道種種外道等故又亦不同有方便求道聲聞辟支佛等故何以故以諸菩薩見世間涅槃道平等故以不住涅槃心故以世間法不能染故而修行世間行堅固慈悲涅槃心故以善住根本清淨法中故又彼求有眾生一闍提人及佛法中同闍提位

寶性論卷第三 第四張 竭

名為邪定聚眾生又遠離求有眾生中墮無方便求道眾生名為不定聚眾生又遠離求有眾生中求離世間方便求道聲聞辟支佛及不求彼二平等道智菩薩摩訶薩名為正定聚眾生又除求於無障尋道大乘眾生餘有四種眾生何等為四一者闍提二者外道三者聲聞四者辟支佛彼四眾生有四種障故不能證故不能會故不能見如來之性何等為四一者謗大乘一闍提障此障對治謂諸菩薩摩訶薩信大乘故偈言信法故二者橫計身中有我諸外道障此障對治謂諸菩薩摩訶薩修行般若波羅蜜故偈言及般若故三者怖畏世間諸苦聲聞人障此障對治謂諸菩薩摩訶薩修行虛空藏首楞嚴等諸三昧故偈言三昧故四者背捨利益一切眾生捨大悲心辟支佛障此障對治謂諸菩薩摩訶薩修行大悲為利益眾生故偈言大悲故是名四種障障四種眾生為對治彼四種障故諸菩薩摩訶薩信修行大乘等四

寶性論卷第三 第五張 竭

種對治法得無上清淨法身到第一彼岸何以故依此四種清淨法界修習善法此是諸佛隨順法子於佛家生是故偈言  
大乘信為子 般若以為母 禪胎大悲乳 諸佛如寶子  
偈言信等四種法清淨因應知故又依果業故說一偈  
淨我樂常等 彼岸功德果 默苦求涅槃 欲願等諸業  
此初半偈示現何義偈言  
略說四句義 四種顛倒法 於法身中倒 修行對治法  
此偈明何義彼信等四法如來法身因此能清淨彼向說四種法依次第略說對治四顛倒如來法身四種功德波羅蜜果應知偈言略說四句義故此明何義謂於色等無常事起於常想於苦法中起於樂想於無我中起於我想於不淨中起於淨想是等名為四種顛倒應知偈言四種顛倒法故為對治此四種顛倒故有四種非顛倒法應知何等為四謂於色

寶性論卷第三 第六張 竭

等無常事中生无常想苦想無我想  
不淨想等是名四種不顛倒對治應  
知偈言修行對治法故如是四種顛  
倒對治依如来法身後是顛倒應知  
得言於法身中倒故對治此倒說有  
四種如来法身功德波羅蜜果何等  
為四所謂常波羅蜜樂波羅蜜我波  
羅蜜淨波羅蜜應知偈言修行對治  
法故是故聖者勝鬘經言世尊凡夫  
衆生於五陰法起顛倒想謂無常常  
想苦有樂想無我我想不淨淨想世  
尊一切阿羅漢辟支佛空智者於一  
切智境界及如来法身本所不見若  
有衆生信佛語故於如来法身起  
常想樂想我想淨想世尊彼諸衆生  
非顛倒見是名正見何以故唯如来  
法身是常波羅蜜樂波羅蜜我波羅  
蜜淨波羅蜜世尊若有衆生於佛法  
身作是見者是名正見世尊正見者  
是佛真子從佛口生從正法生從法  
化生得法餘財如是等故又此四種  
如来法身功德波羅蜜從因向果次  
第而說淨我樂常應知云何次第從

寶性論卷第三 第七張 竭

因向果謂誹謗大乘一聞提障實無  
有淨而心樂者取世間淨此障對治  
謂諸菩薩摩訶薩信大乘修行證得  
第一淨波羅蜜果應知於五陰中見  
有神我諸外道障實無神我而樂者  
取我此障對治謂諸菩薩摩訶薩修  
行般若波羅蜜證得第一我波羅蜜  
果應知此明何義一切外道執著色  
等非真實事以為有我而彼外道取  
著我相無如是我相虛妄顛倒一切  
時無我以是義故說言如来如實智  
知一切法無我到第一彼岸而如来  
無彼我無我相何以故以一切時如  
實見知不虛妄故非顛倒故此以何  
義以即無我名為有我即無我者無  
彼外道虛妄神我名有我者如来有  
彼得自在我是故偈言  
如清淨真空得第一無我 諸佛得淨體  
是名得大身  
此偈明何義得大身者謂如来得第  
一清淨真如法身彼是諸佛如来實  
我以得自在體以得第一清淨身偈  
言諸佛得淨體故以是義故諸佛名

寶性論卷第三 第八張 竭

得清淨自在偈言是名得大身故以  
是義故依於此義諸佛如来於無漏  
界中得為第一最自在我又復即依  
如是義故如来法身不名為有以無  
我相無法相故以是義故不得言有  
以如彼相如是無故又復即依如是  
義故如来法身不名為無以唯有彼  
真如我體是故不得言無法身以如  
彼相如有故依此義故諸外道問  
如来死後為有身耶為無身耶有如  
是等是故如来不記不答諸聲聞人  
畏世間苦為對治彼畏世間苦諸菩  
薩摩訶薩修行一切世間出世間諸  
三昧故證得第一樂波羅蜜果應知  
辟支佛人棄捨利益一切衆生樂住  
寂靜為對治彼棄捨衆生諸菩薩摩  
訶薩修行大悲住無限齊世間常利  
益衆生證得第一常波羅蜜果應知  
是名諸菩薩摩訶薩信及般若三昧  
大悲四種修行如是次第得如来身  
淨我樂常四種功德波羅蜜果應知  
又復有義依此四種如来法身名為  
廣大如法界究竟如虛空盡未來際

寶性論卷第三 第九張 竭

此明何義信修行大乘是故諸佛如來常得清淨法界到第一彼岸是故說言廣大如法界修行般若波羅蜜是故諸佛如來成就虛空法身以器世間究竟無我以修行虛空藏等無量三昧以是義故於一切處一切法中皆得自在是故說言究竟如虛空以修行大悲於一切衆生無限齊時得慈悲心平等是故說言盡未來際又此四種波羅蜜等住無漏界中聲聞辟支佛得大力自在菩薩為證如來功德法身第一彼岸有四種障何等為四一者緣相二者因相三者生相四者壞相緣相者謂無明住地即此無明住地與行作緣如無明緣行無明住地緣亦如是故因相者謂無明住地緣行即此無明住地緣行為因如行緣識無漏業緣亦如是故生相者謂無明住地緣依無漏業因生三種意生身如四種取緣依有漏業因而生三界三種意生身亦如是故壞相者謂三種意生身緣不可思議變易死如依生緣故有老死三種

寶性論卷第三 第十張 竭

意生身緣不可思議變易死亦如是故又一切煩惱染皆依無明住地根本以不離無明住地聲聞辟支佛大力菩薩未得遠離無明住地垢是故未得究竟無為淨波羅蜜又即依彼無明住地緣以細相戲論習未得永滅是故未得究竟無為我波羅蜜又即緣彼無明住地有細相戲論集因無漏業生於意陰未得永滅是故未得究竟無為樂波羅蜜以諸煩惱染業染生染未得永滅是故未證究竟甘露如來法身以未遠離不可思議變易生死常未究竟是故未得不變異體是故未得究竟無為常波羅蜜又如煩惱染無明住地亦如是如業染無漏業行亦如是如生染三種意生身及不可思議變易死亦如是如聖者勝鬘經言世尊辟如取緣有漏業因而生三有如是世尊依無明住地緣無漏業因生阿羅漢辟支佛大力菩薩三種意生身世尊此三乘地三種意生身及無漏業生依無明住地有緣非無緣如是等勝鬘經

寶性論卷第三 第十一張 竭

中廣說應知復次以聲聞辟支佛大力菩薩三種意生身中無淨我樂常波羅蜜彼岸功德身是故聖者勝鬘經言唯如來法身是常波羅蜜樂波羅蜜我波羅蜜淨波羅蜜如是等故此明何義以如來法身自性清淨離一切煩惱障智障習氣故名為淨是故說言唯如來法身是淨波羅蜜以得寂靜第一自在我故離無我戲論究竟寂靜故名為我是故說言唯如來法身是我波羅蜜以得遠離意生陰身因故名為樂是故說言唯如來法身是樂波羅蜜以世間涅槃平等證故故名為常是故說言唯如來法身是常波羅蜜又復略說有二種法依此二法如來法身有淨波羅蜜應知何等為二一者本來自性清淨以因相故二者離垢清淨以勝相故有二種法依此二法如來法身有我波羅蜜應知何等為二一者遠離諸外道邊以離虛妄我戲論故二者遠離諸聲聞邊以離無我戲論故有二種法依此二法

寶性論卷第三 第十二張 竭

如來法身有樂波羅蜜應知何等為  
二一者遠離一切苦二者遠離一切  
煩惱習氣此以何義云何遠離一切  
苦以滅一切種苦故以滅一切意生  
身故云何遠離煩惱習氣以證一切  
法故有二種法依此二法如來法身  
有常波羅蜜應知何等為二一者不  
滅一切諸有為行以離斷見邊故二  
者不取無為涅槃以離常見邊故以  
是義故聖者勝鬘經中說言世尊見  
諸行無常是斷見非正見見涅槃常  
是常見非正見妄想見故作如是見  
故以是義故依如是向說法界法門  
第一義諦說即世間法名為涅槃以  
此二法不分別故以證不住世間涅  
槃故是故偈言  
無分別之人 不分別世間 不分別涅槃  
涅槃有平等  
後半偈者示現何義偈言  
若無佛性者 不得厭諸苦 不求涅槃樂  
亦不欲不願  
以是義故聖者勝鬘經言世尊若無  
如來藏者不得厭苦樂求涅槃亦無

實性論卷第三 第十三張 竭

欲涅槃亦不願求如是等此明何義  
略說佛性清淨正因於不定聚眾生  
能作二種業何等為二一者依見世  
間種種苦惱厭諸苦故生心欲離諸  
世間中一切苦惱偈言若無佛性者  
不得厭諸苦故二者依見涅槃樂怖  
寂樂故生求心欲心願心偈言若無  
佛性者不求涅槃樂亦不欲不願故  
又欲者求涅槃故求者怖涅槃故怖  
者於怖求法中不怯弱故欲得者於  
所求法中方便追求故及諮問故願  
者所期法中所期法者心心相行是  
故偈言  
見苦果樂果 此依性而有 若無佛性者  
不起如是心  
此偈明何義凡所有見世間苦果者  
凡所有見涅槃樂果者此二種法善  
根眾生有一切依因真如佛性非離  
佛性無因緣故起如是心偈言見苦  
果樂果此依性而有故若無因緣生  
如是心者一聞提等無涅槃性應發  
菩提心偈言若無佛性者不起如是  
心故以性未離一切客塵煩惱諸垢

實性論卷第三 第十四張 竭

於三乘中未曾修習一乘信心又未  
親近善知識等亦未修習親近善知  
識因緣是故華嚴性起中言次有乃  
至邪見聚等眾生身中皆有如來日  
輪光照作彼眾生利益作未來因善  
根增長諸白法故向說一聞提常不  
入涅槃無涅槃性者此義云何為欲  
示現謗大乘因故此明何義為欲迴  
轉非謗大乘心不求大乘心故依無  
量時故如是說以彼實有清淨性故  
不得說言彼常畢竟無清淨性又依  
相應義故說一偈  
大海器寶水 無量不可盡 如燈明觸色  
性功德如是  
此初半偈示現何義偈言  
佛法身慧定 悲攝眾生性 海珍寶水等  
相似相對法  
此偈明何義以有三處故次第有三  
種大海相似相對法於如來性中依  
因畢竟成就相應義應知何等三處  
一者法身清淨因二者集佛智因三  
者得如來大悲因法身清淨因者信  
修行大乘器相似相對法以彼無量

實性論卷第三 第十五張 竭

不可盡故偈言佛法身故海相似相  
對法故集佛智因者般若三昧珍寶  
相似相對法偈言慧定故珍寶相似  
相對法故得如來大悲因者大慈悲  
心水相似相對法偈言悲攝眾生性  
故水相似相對法故又修行智慧三  
昧門寶相似相對法以彼無分別不  
可思議有大勢力功德相應故又修  
行菩薩大悲水相似相對法以於一  
切眾生柔軟大悲得一味等味相行  
故如是彼三種法此三種因和合畢  
竟不相捨離故名相應後半偈者示  
現何義偈言  
通智及無垢不離於真如如燈明燭色  
無垢界相似  
此偈明何義有三處次第三種燈相  
似相對法於如來法界中依果相應  
義應知何等三處一者通二者知漏  
盡智三者漏盡此以何義通者有五  
通光明相似相對法以受用事能  
散滅彼與智相違所治闇法能治相  
似相對法故偈言通故明故知漏盡  
智者無漏智燭相似相對法以能

寶性論卷三 第十六張 竭

燒業煩惱無有餘殘能燒相似相對  
法故偈言智故燭故漏盡者轉身漏  
盡色相似相對法以常無垢清淨光  
明具足相無垢相似相對法故偈言  
無垢故色故又無垢者以離煩惱障  
故清淨者以離智障故光明者如自  
性清淨體彼二是客塵煩惱如是略  
說六種無漏智離煩惱無學身所攝  
法於無漏法界中彼此迭共不相捨  
離不差別法界平等畢竟名相應義  
應知又依行義故說一偈  
見實者說言凡夫聖人佛眾生如來藏  
真如無差別  
此偈示現何義偈言  
凡夫心顛倒見實異於彼如實不顛倒  
諸佛離戲論  
此偈明何義向明如來法界中一切  
法真如清淨明同相依般若波羅蜜  
無分別智法門等為諸菩薩摩訶薩  
說此以何義略明依三種人何等為  
三一者不實見凡夫二者實見聖人  
三者畢竟成就如來法身是名三種  
行應知應云何知謂取顛倒離顛倒

寶性論卷第三 第十七張 竭

離戲論如是次第此以何義取顛倒  
者謂諸凡夫三種虛妄想心見故偈  
言凡夫心顛倒故離顛倒者以聖人  
遠離虛妄想心見故偈言見實異於  
彼故離戲論者正離顛倒及諸戲論  
以煩惱障智障及煩惱習氣諸佛如  
來根本永盡故偈言如實不顛倒諸  
佛離戲論故自此以下即依此行餘  
四種義廣差別說應知又復即依彼  
三種人依時差別故說一偈  
有不淨有淨及以善淨等如是次第說  
眾生菩薩佛  
此偈示現何義偈言  
體等六句義略明法性體次第三時中  
說三種名字  
此偈明何義謂向所明無漏法性如  
來廣說種種法門彼諸法門略說依  
於六種句義所謂攝聚體因果業相  
應及行偈言體等六句義略明法性  
體故於三時中次第依彼三種名字畢  
竟應知偈言次第三時中說三種名  
字故此以何義謂不淨時名為眾生  
偈言有不淨故不淨淨時名為菩薩

寶性論卷第三 第十八張 竭

偈言有淨故於善淨時名為如來偈言及以善淨故以是義故不增不減經言舍利弗即此法身過於恒沙无量煩惱所經從無始來隨順世間生死濤波去來生退名為衆生舍利弗即此法身歇離世間生死苦惱捨一切欲行十波羅蜜攝八万四千法門修菩提行名為菩薩舍利弗即此法身得離一切煩惱使經過一切苦離一切煩惱垢得淨得清淨得住彼岸清淨法中到一切衆生所觀之地於一切境界中更無勝者離一切障離一切導於一切法中得自在力名為如來應正遍知故偈言如是次第說衆生菩薩佛故自此以下即依彼三時明如來法性遍一切處故說一偈如空遍一切而空無分別自性無垢心亦遍無分別

此偈示現何義偈言

過功德畢竟遍至及同相下中勝衆生如虛空中色

此偈明何義所有凡夫聖人諸佛如來自性清淨心平等無分別彼清淨

寶性論卷第三 第十九頌 頌

心於三時中次第於過失時於功德時於功德清淨畢竟時同相無差別猶如虛空在瓦銀金三種器中平等無異無差別一切時有以是義故經中說有三時次第如不增不減經言舍利弗不離衆生界有法身不離法身有衆生界衆生界即法身法身即衆生界舍利弗此二法者義一名異故自此已下即依此三時明如來法性遍至一切處依染淨時不變不異有十五偈此等諸偈略說要義應知偈言諸過客塵來性功德相應 真法體不變如本後亦介

此偈明何義偈言

十一偈及二次第不淨時煩惱客塵過第十四十五於善淨時中過恒沙佛法不離脫思議佛自性功德本際中間際

及以後際等如來真如性體不變不異初依不淨時不變不異十一偈者

如虛空遍至體細塵不染佛性遍衆生諸煩惱不染如一切世間依虛空生滅

依於無漏界有諸根生滅火不燒虛空若燒无是處如是老病死不能燒佛性

寶性論卷第三 第二頌 頌

地依於水住水復依於風風依於虛空空不依地等如是陰界根住煩惱業中諸煩惱業等住不善思惟不善思惟住清淨心中自性清淨心不住彼諸法陰入界如地煩惱業如水不正念如風淨心界如空依性起邪念念起煩惱業依因煩惱業能起陰入界依止於五陰界入等諸法有諸根生滅如世界成壞淨心如虛空無因復無緣及無和合義亦無生住滅如虛空淨心常明无轉變為虛妄分別客塵煩惱染

此虛空譬喻偈示現何義明如來性依不淨時法體不變偈言

不正思惟風諸業煩惱水自性心虛空不為彼二生自性清淨心其相如虛空

邪念思惟風所不能散壞諸業煩惱水所不能濕爛老病死熾火所不能燒燬

此偈明何義如依邪念風轉起業煩惱水聚依業煩惱水聚生陰界入世間而自性心虛空不生不起偈言不

正思惟風諸業煩惱水自性心虛空不為彼二生故如是依邪念風災業行煩惱水災老病死等火災吹浸燒

寶性論卷第三 第三頌 頌

寶性論卷第三 第三十四發 鳩摩

寶性論卷第三 第三十四發 鳩摩

壞陰入界世間而自性清淨心虛空  
 常住不壞如是於不淨時中器世間  
 相似相對法諸煩惱染業染生染有  
 集有滅諸佛如來無為之性猶如虛  
 空不生不滅常不變易示現法體此  
 自性清淨法門虛空譬喻如陀羅尼  
 自在王菩薩修多羅中廣說應知彼  
 經中言諸善男子煩惱本無體真性  
 本明淨一切煩惱羸薄毗婆舍那有  
 大勢力一切煩惱客塵自性清淨心  
 根本一切諸煩惱虛妄分別自性清  
 淨心如實不分別諸佛子譬如大地  
 依水而住水依風住風依空住而彼  
 虛空無依住處諸善男子如是四大  
 地大水大風大空大此四大中唯虛  
 空大以為最勝以為大力以為堅固  
 以為不動以為不作以為不散不生  
 不滅自然而住諸善男子彼三種大  
 生滅相應無實體性剎那不住諸佛  
 子此三種大變異無常諸佛子而虛  
 空界常不變異諸佛子如是陰界入  
 依業煩惱住諸煩惱業依不正思惟  
 住不正思惟依於佛性自性清淨心

住以是義故經中說言自性清淨心  
 客塵煩惱染諸善男子所有邪念所  
 有煩惱業所有陰界入如是諸法從  
 於因緣和合而生以諸因緣壞散而滅  
 諸善男子彼自性清淨心無因無緣  
 故無和合不生不滅諸善男子如虛  
 空界自性清淨心亦復如是如風大  
 界不正思惟亦復如是如水大界諸  
 業煩惱亦復如是如地大界陰界入  
 等亦復如是是故說言一切諸法皆  
 無根本皆無堅實無住无住本根本  
 清淨無根本故已說不淨時中依无  
 分別相自性清淨心虛空界相似相  
 對法已說依彼起不正念風界相似  
 相對法已說依不正念諸業煩惱因  
 相水界相水相對法已說依彼生陰  
 界入果相轉變地相似相對法未說  
 彼焚燒死病老等諸過患相火相似  
 相對法是故次說偈言  
 有三火次第 劫燒人地獄 能作種種吉  
 能熟諸行相  
 此偈明何義明此三法老病死火於  
 不淨時中不能變異彼如來藏是故

聖者勝鬘經言世尊生死者依世諦  
 故說有生死世尊死者諸根壞世尊  
 生者新諸根起世尊而如來藏不生  
 不死不老不變何以故世尊如來藏  
 者離有為相境界世尊如來藏者常  
 恒清涼不變故已說依不淨時不變  
 不異次說依淨不淨時不變不異故  
 說二偈  
 菩薩摩訶薩 如實知佛性 不生亦不滅  
 復無老病等 菩薩如是知 得離於生死  
 憐愍眾生故 示現有生滅  
 此偈示現何義偈言  
 老病死諸苦 聖人永滅盡 依業煩惱生  
 諸菩薩無彼  
 此偈明何義明此老病死等苦火於  
 不淨時依業煩惱本生如世間火依  
 薪本生以諸菩薩得生意生身於淨  
 不淨時畢竟永滅盡以是義故諸業  
 煩惱等常不能燒然而依慈悲力故  
 示現生老病死而遠離生等以見如  
 實故以是義故諸菩薩摩訶薩依善  
 根結使生非依業煩惱結使生以依  
 心自在力生依大悲力現於三界示

寶性論卷第三 第三十四發 鳩摩

現生示現老示現病示現死而彼無有生老病死諸苦等法以如實見真如佛性不生不滅是名不淨淨時如修多羅中依愛無漏業根本煩惱廣說應知如來於大海慧菩薩經中說言大海慧何者能住世間善根相應煩惱所謂集諸善根無有厭足故以心願生攝取諸有故求見一切諸佛如來故教化一切衆生心不疲倦故攝取一切諸佛妙法故於諸衆生常作利益故常不捨離樂貪諸法結使故常不捨離諸波羅蜜結使故大海慧是名諸菩薩摩訶薩世間善根相應煩惱依此煩惱諸菩薩摩訶薩生於三界受種種苦不為三界煩惱過患之所染汙大海慧菩薩自佛言世尊此諸善根以何義故說名煩惱佛告大海慧菩薩言大海慧如是煩惱諸菩薩摩訶薩能生三界受種種苦依此煩惱故有三界非染煩惱三界中生大海慧菩薩以方便智力依善根力故心生三界是故名為善根相應煩惱而生三界非染心生大海

寶性論卷第三 第三十五頌 竭

慧譬如長者若居士等唯有一子甚愛甚念見者歡喜而彼一子依愚癡心因戲樂故墮在極深糞廁井中時彼父母及諸親屬見彼一子墮在大廁渠坑糞中見已歔歔悲泣啼哭而不能入彼極深廁糞屎器中而出其子

余時彼處衆中更有一長者子或一居士子見彼小兒墮在深廁糞屎井中見已疾疾生一子想生愛念心不起惡心即入深廁糞屎井中出彼一子大海慧為顯彼義說此譬喻大海慧何者彼義大海慧言極深井糞屎坑者名為三界大海慧言一子者一切衆生諸菩薩等於一切衆生一子想大海慧今時父母及諸親者名為聲聞辟支佛人以二乘人見諸衆生墮在世間極大深坑糞屎井中既見彼已悲泣啼哭而不能拔彼諸衆生大海慧彼時更有一長者子一居士子者名為菩薩摩訶薩離諸煩惱清淨無垢以離垢心現見無為真如法界以自在心現生三界為教化彼

寶性論卷第三 第三十六頌 竭

諸衆生故大海慧是名菩薩摩訶薩大悲畢竟遠離諸有畢竟遠離諸縛而迴生於三界有中以便般若力故諸煩惱火不能焚燒欲令一切諸衆生等遠離諸縛而為說法大海慧我今說此修多羅句依諸菩薩心為利益一切衆生得自在力而生三有依諸善根慈悲心力依於方便般若力故是名示現淨不淨時又菩薩摩訶薩以如實智知如來法身不生不滅故得如是菩薩摩訶薩功德法體此修多羅句向前已說自下次說大毗琉璃摩尼寶喻佛言大海慧譬如無價大毗琉璃摩尼寶珠善治善淨善光明墮在泥中住一千年彼摩尼寶經千年後乃出彼泥出已水洗洗已極淨極淨洗已然後極明即不失本清淨無垢摩尼寶體大海慧菩薩摩訶薩亦復如是如實知見一切衆生自性清淨光明淨心而為客塵煩惱所染大海慧諸菩薩等生如是心彼諸煩惱不染衆生自性淨心是諸煩惱客塵虛妄分別心起而彼諸

寶性論卷第三 第三十七頌 竭

寶性論卷第三 第二十八張 羯字号

菩薩復生是心我今畢竟令諸眾生  
遠離客塵諸煩惱垢為之說法如是  
菩薩不生怯弱心轉於一切眾生生  
增上力我要畢竟令得解脫菩薩今  
時復生是心此諸煩惱無有少體菩  
薩今時復生是心諸煩惱無體諸煩  
惱羸薄是諸煩惱無有住處如是菩  
薩如實知諸煩惱虛妄分別而有依  
邪見念而有以正見者諸煩惱垢不  
能得起菩薩今時復生是心我應如  
實觀諸煩惱更不復生以不生煩惱  
故生諸善法菩薩今時復生是心我  
若自起諸煩惱者去何而得為諸煩  
惱所縛眾生說法令離諸煩惱縛菩  
薩今時復生是心以我不著諸煩惱  
故是故得為諸煩惱縛眾生說法我  
應修行諸波羅蜜結使煩惱相應善  
根為欲教化諸眾生故又復云何名  
為世間以三界相似鏡像法故此明  
何義依無漏法界中有三種意生身  
應知彼因無漏善根所作名為世間  
以離有漏諸業煩惱所作世間法故  
亦名涅槃依此義故聖者勝鬘經言

寶性論卷第三 第二十九張 羯字号

世尊有有為世間有無為世間世尊  
有有為涅槃有無為涅槃故又有為  
無為心心數法相應法故說名為  
淨不淨時此義於第六菩薩現前地  
說彼諸漏盡無障導般若波羅蜜解  
脫現前修行大悲以為救護一切眾  
生故不取證如寶鬘經中依漏盡故  
說入城喻彼經中言善男子譬如有  
城縱廣正等各一由旬多有諸門路  
險黑闇甚可怖畏有人入者多受安  
樂復有一人唯有一子愛念甚重遙  
聞彼城如是快樂即便捨子欲往入  
城是入方便得過險道到彼城門一  
足已入一足未舉即念其子尋作是  
念我唯一子來時云何竟不與俱誰  
能養護令離眾苦即捨樂城還至子  
所善男子菩薩摩訶薩亦復如是為  
憐愍故修集五通既修集已垂得盡  
漏而不取證何以故愍眾生故捨漏  
盡通乃至行於凡夫地中善男子城  
者喻於大般涅槃多諸門者喻於八  
万諸三昧門路險難者喻諸魔業到  
切門者喻於五通一足入者喻於智

寶性論卷第三 第三十張 羯字号

慧一足未入者喻諸菩薩未證解脫  
言一子者喻於五道一切眾生願念  
子者喻大悲心還子所者喻調眾生  
能得解脫而不證者即是方便善男  
子菩薩摩訶薩大慈大悲不可思議  
如是善男子菩薩摩訶薩大方便力  
發大精進起堅固心修行禪定得證  
五通如是菩薩依禪通業善修心淨  
無漏滅盡定現前如是菩薩即得生  
於大悲之心為救一切諸眾生故現  
前無漏智通而迴轉不取寂滅涅槃  
以為教化諸眾生故迴取世間乃至  
示現凡夫人地於第四菩薩焰地中  
為自利益善起精進為利益他善起  
堅固心漏盡現前於第五菩薩難勝  
地中依止五通自利利他善熟心行  
無漏滅盡定現前是故於第六菩薩  
地中無障導般若波羅蜜起漏盡現  
前是故於第六菩薩現前地中得漏  
盡自在說名清淨是菩薩如是自身  
盡修行教化眾生令置彼處得大慈  
悲心於顛倒眾生救護心不著寂  
滅涅槃善作彼方便現前世間門為

衆生故現前涅槃門為菩提分滿足故修行四禪迴生欲界以為利益地獄畜生餓鬼凡夫種種衆生示現諸身以得自在故已說依不淨淨時不變不異次說依善淨時不變不異故說二偈

佛身不變異以得無盡法衆生所歸依以無邊際故常住不二法以離妄分別恒不熱不作清淨心力故

此偈示現何義偈言

不生及不死不病亦不老以常恒清涼及不變等故

此偈明何義偈言

以常故不生離意生身故以恒故不死離不思議退清涼故不病無煩惱習故不變故不老無漏行故

此偈明何義明如來性於佛地時无垢清淨光明常住自性清淨以本際來常故不生以離意生身故以未來際恒故不死以離不可思議變易死故以本後際來清涼故不病以離无明住地所攝故若如是者不墮三世彼則不變是故不老以離無漏業迴

寶性論卷第三 第三十二張 竭

轉故又復偈言

有二復有二復有二二句次第如常等無漏境界中

此偈明何義常恒清涼及不變等此四種句於無漏法界中次第第一句二二本二二釋義差別如不增不減修多羅中說言舍利弗如來法身常以不異法故以不盡法故舍利弗如來法身恒以常可歸依故以未來際平等故舍利弗如來法身清涼以不二法故以無分別法故舍利弗如來法身不變以非滅法故以非作法故已說不變異次說無差別无差別者即依此善淨時本際以來畢竟究竟自體相善淨如來藏無差別故說一偈

法身及如來聖諦與涅槃功德不相離如光不離日

此初半偈示現何義偈言

略明法身等義一而名異依無漏界中四種義差別

此偈明何義略說於無漏法界中依如來藏有四種義依四種義有四種

寶性論卷第三 第三十三張 竭

名應知何等四義偈言

佛法不相離及彼真如性法體不虛妄自性本來淨

此偈明何義佛法不相離者依此義故聖者勝鬘經言世尊不空如來藏過於恒沙不離不脫不思議佛法故及彼真如性者依此義故六根聚經言世尊六根如是從無始來畢竟究竟諸法體故法體不虛妄者依此義故經中說言世尊又第一義諦者謂不虛妄涅槃是也何以故世尊彼性本際來常以法體不變故自性本來淨者依此義故經中佛告文殊師利如來應正遍知本際以來入涅槃故又復依此四義次第有四種名何等為四一者法身二者如來三者第一義諦四者涅槃以是義故不增不減經言舍利弗言如來藏者即是法身故又復聖者勝鬘經言世尊不離法身有如來藏世尊不離如來藏有法身世尊依一苦滅諦說名如來藏世尊如是說如來法身無量無邊功德世尊言涅槃者即是如來法身故後半偈者

寶性論卷第三 第三十三張 竭

示現何義偈言  
覺一切種智離一切習氣佛及涅槃體  
不離第一義

此四種名於如來法身無漏界中一  
味一義不相捨離是故雖復有四種  
名而彼四義不離一法門不離一法  
體此以何義所證一切法覺一切智  
及離一切智障煩惱障習氣此二種  
法於無漏法界中不異不差別不斷  
不相離以是義故大般涅槃經中偈言  
無量種功德一切不思議不差別解脫  
解脫即如來

以是義故聖者勝段經言世尊言聲  
聞辟支佛得涅槃者是佛方便故此  
明何義言聲聞辟支佛有涅槃者此  
是諸佛如來方便見諸眾生於長道  
曠野遠行疲倦恐有退轉為止息故  
造作化城如來如是於一切法中得  
大自在大方便故故明如是義世尊  
如來應正遍知證平等涅槃一切功  
德無量無邊不可思議清淨畢竟究  
竟此明何義依四種義畢竟功德諸  
佛如來無差別涅槃相無上果中佛

寶性論卷第三 第三十四頌 竭

及涅槃一切功德不相捨離若離佛  
地果中證智更無餘人有涅槃法示  
現如是義依一切種智於諸佛如來  
無漏法界中譬喻示現此明何義寶  
鬘經中畫師譬喻示現具足一切功  
德應知偈言

如種種畫師所知各差別彼一人知分  
第二人不知有自在國王勅諸畫師言  
於彼標畫處具足作我身國中諸畫師  
一切皆下手若不闕一人乃成國王像  
畫師受勅已畫作國王像彼諸畫師中  
一人行不在由無彼一人國王像不成  
以其不滿足一切身分故所言畫師者  
喻種種戒等行言國王像者示一切種智  
一人不在者示現少一行王像不成者  
空智不具足

此偈明何義以是義故寶鬘經言善  
男子諦聽諦聽我今為汝說此譬喻  
善男子譬如三千大千世界所有衆  
生悉善知畫其中或有善能泥塗或  
能磨彩或曉畫身不曉手足或曉手  
足不曉面目時有國王以一張墨與  
是諸人而告之言凡能畫者皆悉聚

寶性論卷第三 第三十五頌 竭

集於此墨上畫吾身像亦時諸人悉  
來集聚隨其所能而共作之有一畫  
師以緣事故竟不得來諸人畫已持  
共上王善男子可言諸人悉集作不  
不也世尊善男子我說此喻其義未  
顯善男子一人不來故不得言一切  
集作亦不得言像已成就佛法行者  
亦復如是若有一行不成就者則不  
具足如來正法是故要當具足諸行  
名為成就無上菩提故又此檀等諸  
波羅蜜一一差別唯是如來所知境  
界如來知彼種種差別無量無邊應  
知以彼竿數自在力等不能思議故  
以對治彼慳等諸垢是故得成清淨  
檀等諸波羅蜜又以修行一切種一  
切空智及種種三昧門於第八菩薩  
不動地中不分別一切善善地無間  
無隔自然依止道智修行得無生法  
忍成就具足如來無漏戒成就一切  
功德於第九菩薩善慧地中依阿僧  
祇三昧陀羅尼海門攝取無量無邊  
諸佛之法依止解一切衆生根智成  
就無量無邊功德空智得無生法忍

寶性論卷第三 第三十六頌 竭

於第十菩薩法雲地中依止一切如來現前靈智智成就無量无边功德聚得無生空法忍次後得諸三昧斷一切煩惱障智障依止諸解脫門智成就清淨彼岸功德具足得一切種一切空智以如是等四種地智中非聲聞辟支佛地以彼聲聞辟支佛去之甚遠以是義故說彼四種成就不是別涅槃界是故偈言

慧智及解脫不離法界體無著涅槃界曰相似相對

此偈明何義以何等慧以何等智以何等解脫彼三不離法界實體明彼四種功德成就無差別涅槃界偈言無差別涅槃界故為彼四種義次第故有四種相似相對法應知何等為四一者佛法身中依出世間無分別慧能破第一無明闇彼光明照相似相對法應知偈言慧故曰相似相對故二者依智故得一切智智知一切種照一切事放光明羅網相似相對法應知偈言智故曰相似相對故三者依止彼二自性清淨心解脫无

垢離垢光明輪清淨相似相對法應知偈言解脫故曰相似相對法故四者即此三種不離法界不離實體不相捨離相似相對法應知偈言不離法界體故曰相似相對故是故偈言不證諸佛身涅槃不可得如棄捨光明日不可得見

此即明何義以如向說無漏法界中無始世界來諸佛法身中無漏諸法一切功德不相捨離以是義故遠難如來無障无碍法身智慧離一切障涅槃體相不可得見不可得證如離日光明無日輪可見以是義故聖者勝鬘經言法無憂劣故得涅槃知諸法平等智故得涅槃平等智故得涅槃平等解脫得涅槃平等解脫知見故得涅槃是故世尊說涅槃界一味等味謂明解脫一味故

究竟一乘寶性論卷第三

校勘記

- 一 底本，麗藏本。金藏廣勝寺本多殘缺，今採用其中可用者五〇七頁下至次頁中，五〇九頁中至次頁下，五一二頁下至卷末共十一版。
- 一 五〇一頁上三行末字「五」，經、清作「五之一」。
- 一 五〇一頁上五行「此以」，諸本（不含石，下同。）作「此明」。
- 一 五〇一頁上一二行首字至次行末字，諸本作「法身偏無差皆實有佛性」是故說眾生常有如來藏。
- 一 五〇一頁上一六行第一二字至次行首字「諸眾生身」，諸本作「眾生心識」。
- 一 五〇一頁上一七行第四字「佛」，諸本無。
- 一 五〇一頁上一七行第八字「滿」，諸本無。
- 一 五〇一頁上一七行第一二字至次

- 行首字「如來真如」，諸本作「真如之體一切衆生平等」。
- 一 五〇一頁上一八行「真如無差別」，諸本作「無差」。
- 一 五〇一頁上二〇行第一二字「此」，諸本無。
- 一 五〇一頁中一行第七字「遍」，諸本作「遍知」。
- 一 五〇二頁上一二行第九字「故」，諸本無。
- 一 五〇二頁上一六行第一三字「無」，**碩、南、清**作「有」。
- 一 五〇二頁上一七行第一〇字「又」，**資、碩、普、南**作「有」。
- 一 五〇二頁中一二行「大乘」，諸本作「大乘法」。
- 一 五〇二頁下一行「法身」，諸本作「法界」。
- 一 五〇三頁中一行末字「智」，諸本無。
- 一 五〇三頁中一八行首字「如」，諸本作「知」。
- 一 五〇三頁下二行第一二字「於」，諸本無。
- 一 五〇三頁下三行第四字「爲」，諸本無。
- 一 五〇四頁上一七行第七字「此」，**經、清**作「自」。
- 一 五〇四頁中二行首字「故」，諸本作「應知」。
- 一 五〇四頁中五行第七字「淨」，諸本作「清淨」。
- 一 五〇四頁中一七行「死亦」，諸本作「生死亦」。
- 一 五〇四頁中二二行第二字「三」，諸本作「彼三」。
- 一 五〇四頁中二二行第八字「及」，諸本作「爲」。
- 一 五〇四頁下一行後，**資、碩、普、南**有「究竟一乘寶性論一切衆生有如來藏品之二」一行；**經、清**有「一切衆生有如來藏品第五之二」一行。
- 一 五〇四頁下一八行「以因」，諸本作「以同」。
- 一 五〇五頁上三行及次頁上一九行、中二〇行、下二二行「此以」，諸本作「此明」。
- 一 五〇五頁上一四行第五字「說」，諸本無。
- 一 五〇五頁中一行第七字「求」，諸本作「不求」。
- 一 五〇五頁中一四行「此依」，諸本作「依此」。
- 一 五〇五頁中一六行「所有」，諸本作「有所」。
- 一 五〇五頁下三行「華嚴性起中」，諸本作「華嚴經性起品」。
- 一 五〇六頁上七行第三字「寶」，諸本作「實」。
- 一 五〇六頁上末行第六字「熾」，諸本作「熾熾」。
- 一 五〇六頁上末行「以能」，諸本作「能以」。
- 一 五〇六頁中三行第八字「以」，諸本作「偈言無垢故色故又無垢界者」。
- 一 五〇六頁中四行第一二字至次行

第六字「故……又」，諸本無。

一 五〇六頁中六行第一三字「如」，諸本作「知」。

一 五〇六頁下一行及次頁上一行「有淨」，諸本作「雜淨」。

一 五〇六頁下一八行第九字「聚」，諸本作「取」。

一 五〇六頁下末行第七、八字「不淨」，諸本作「雜」。

一 五〇七頁上九行第八字「使」，諸本作「使所」。

一 五〇七頁上二〇行第一二字「中」，諸本作「至」。

一 五〇七頁中八行第七字「法」，諸本無。

一 五〇七頁中一九行首字「初」，諸本作「初偈」。

一 五〇七頁下一六行「所不能」，**資**、**磧**、**普**、**南**、**經**、**清**作「不能吹」。

一 五〇七頁下一七行第一一字「所」，**資**、**磧**、**普**、**南**、**經**、**清**作「亦」。

一 五〇七頁下一八行「風傳」，諸本

(含麗)作「風輪」。

一 五〇七頁下二〇行第一〇字「不」，**資**、**磧**、**普**、**南**、**經**、**清**作「亦不」。

一 五〇八頁上一行「入界」，**資**、**磧**、**普**、**南**、**經**、**清**作「界入」。

一 五〇八頁上二行第三字「不」，**資**、**磧**、**普**、**南**、**經**、**清**作「不可」。

一 五〇八頁中五行第一三字「無」，**資**、**磧**、**普**、**南**、**經**、**清**無。

一 五〇八頁中八行第一〇字「如」至九行第七字「是」共十二字，**經**無。

一 五〇八頁中二一行末字「相」，諸本(含麗)作「根」。

一 五〇八頁下二行「諸根」，諸本(含麗)作「謂諸根」。

一 五〇八頁下七行第二字「異」後，諸本換卷，卷第三終，卷第四始。

一 五〇八頁下七行第二字後品名，**資**、**磧**、**普**、**南**作「如來藏品之餘」；**經**、**清**作「一切衆生有如來藏品第五之三」。

一 五〇八頁下二一行「以是義故」，

諸本無。

一 五〇九頁上四行第六字「愛」，諸本作「受」。

一 五〇九頁上五行「如如」，諸本作「如」。

一 五〇九頁中五行第二字「渠」，**資**、**磧**、**普**、**南**、**清**、**麗**作「深」。

一 五〇九頁下一行首字「者」，**經**、**清**、**麗**作「諸」。

一 五〇九頁下一行「摩訶薩」，**資**、**磧**、**普**、**南**、**經**、**清**無。

一 五〇九頁下二二行第一二字「淨」，**資**、**磧**、**普**、**南**、**經**、**清**作「清淨」。

一 五〇九頁下末行末字「諸」，**資**、**磧**、**普**、**南**、**經**、**清**無。

一 五一〇頁下一行第五字「入」，**資**、**磧**、**普**、**南**、**經**、**清**作「舉」。

一 五一〇頁下一六行第一二字「熱」，**資**、**磧**、**普**作「熱」。

一 五一一頁上七行第九字「盡」，諸本作「漏」。

一 五一一頁上九行第三字「熱」，**經**、

清作「執」。

一 五一頁上一四行「不死」，諸本作「無死」。

一 五一頁上末行第二字「則」，諸本作「明」。

一 五一頁上末行末字「迴」，資、磧、普作「過」。

一 五一頁中二行第一三字「如」，諸本作「知」。

一 五一頁中二〇行第六字「義」，磧、普、南、經、清作「體」。

一 五一頁下一行第六字「四」，諸本作「四種」。

一 五一頁下二行第二字「法」，諸本作「說」。

一 五一頁下六行第八字「脫」，諸本作「脫不異」。

一 五一頁下一三行第八字「告」，諸本作「告文殊師利言」。

一 五一頁下末行第三字「者」，諸本作「界者」。

一 五一頁下末行末字「者」，諸本

無。

一 五一二頁上一〇行第九字「般」，諸本無。

一 五一二頁上一六行「長道」，諸本作「生死」。

一 五一二頁上一七行第八字「有」，諸本作「其」。

一 五一二頁上一九行「故故」，諸本作「故」。

一 五一二頁中五行及一七行「鬘經」，諸本作「鬘經」。

一 五一二頁中九行第三字「標」，諸本作「彩」。

一 五一二頁中一二行「國王」，諸本作「國主」。

一 五一二頁中一四行「戒等」，諸本作「等諸」。

一 五一二頁中二一行首字「能」，經作「作」。

一 五一二頁中二一行第五字及第一三字「曉」，諸本作「巧」。

一 五一二頁中二一行及二二行「不

曉」，諸本作「不善」。

一 五一二頁下三行第八字「得」，經作「能」。

一 五一二頁下八行「則不」，資、磧、普、南、經、清作「不名」；麗作「則不名」。

一 五一三頁上二行「蜜智」，資、磧、普、南、經、清作「空」。

一 五一三頁上七行「佛去」，諸本(含麗)作「佛等去」。

一 五一三頁上一一行及一九行「日相」，麗作「日相」。

一 五一三頁中二行「法故」，資、磧、普、南、經、清作「故」。

一 五一三頁中五行第三字「體」，資、磧、普、南、經、清無

一 五一三頁中五行第一〇字「故」，資、磧、普、南、經、清作「法故」。

一 五一三頁中一六行第六字「得」，資、磧、普、南、經、清作「故得」。

一 五一三頁中末行經名，資、磧、普、南、經、清無(未換卷)。

究竟一乘寶性論卷第四

瑪

無量煩惱所纏品第六

後魏中印度三藏勒那摩提譯

論曰偈言

向說如來藏 十種義示現 次說煩惱經 以九種譬喻

此偈明何義向依如來藏說無始世界來彼法恒常住法體不轉變明如來藏有十種義自此以下依無始世界來煩惱藏所纏說無始世界來自性清淨心具足法身以九種譬喻明如來藏過於恒沙煩惱藏所纏如修多羅說應知九種譬喻者如偈說言 萎華中諸佛 衆蜂中美蜜 皮糞等中寶 糞穢中真金 地中珍寶藏 諸果子中芽 朽故弊壞衣 纏裹真金像 貧賤醜陋女 懷轉輪聖王 焦黑泥摸中 有上妙寶像 衆生貪瞋癡 妄想煩惱等 塵勞諸垢中 皆有如來藏

此偈示現何義自此以下依此略說四偈句義餘殘譬喻五十四偈廣說應知此四行偈惣略說彼廣偈中義

應知又依彼義略說二偈

華蜂糞穢 地果故壞衣 貧賤女泥摸 煩惱垢相似 佛蜜寶真金 寶牙金像玉 上妙寶像等 如來藏相似

此偈示現何義偈言

華蜂等諸喻 明衆生身中 無始世界來 有諸煩惱垢 佛蜜等諸喻 明衆生身中 無始來具足 自性無垢體

又復略說此如來藏修多羅中明一切衆生界從無始世界來客塵煩惱深心從無始世界來淨妙法身如來藏不相捨離是故經言依自虛妄染

心衆生染依自性清淨心衆生淨云何自心染依自心染有九種喻謂萎華等應知偈言 貪瞋癡相續 及結使熏集 見修道不淨 及淨地有垢 萎華等諸喻 說九種相對 無邊煩惱經 故說差別相

此偈明何義略說有九種煩惱於自性清淨如來法身界中如萎華等九種譬喻於諸佛等常外客相諸煩惱垢亦復如是於真如佛性常客塵相何等以為九種煩惱一者貪使煩惱

寶性論卷第四 第二張 瑪

二者瞋使煩惱三者癡使煩惱四者

增上貪瞋癡結使煩惱五者無明住地所攝煩惱六者見道所斷煩惱七者修道所斷煩惱八者不淨地所攝

煩惱九者淨地所攝煩惱此如是等九種煩惱以彼九種譬喻示現應知此明何義世間貪等衆生身中所攝

煩惱能作不動地業行緣成就色界無色界果報出世間智能斷名為貪

瞋癡使煩惱偈言貪瞋癡相續故又增上貪瞋癡衆生身中所攝煩惱能作福業罪業行緣但能成就欲界果

報唯有不淨觀智能斷名為增上貪瞋癡等結使煩惱偈言及結使故又阿羅漢身中所攝煩惱能作無漏諸

業行緣能生無垢意生身果報唯如來菩提智能斷名為無明住地所攝

煩惱偈言熏集故又有二種學人何等為二一者凡夫二者聖人凡夫身

中所攝煩惱初出世間心見出世間法智能斷名為見道所斷煩惱偈言見道故聖人身中所攝煩惱如先見出世間法修道智能斷名為修道所

寶性論卷第四 第三張 瑪

斷煩惱偈言修道故又不究竟菩薩  
謂從初地乃至七地所攝煩惱七住  
地中所對治法八地已上三住地中  
修道智能斷名為不淨地所攝煩惱  
偈言不淨故又畢竟究竟菩薩身中  
所攝煩惱八地已上三地修道智所  
對治法金剛三昧智能斷名為淨地  
所攝煩惱偈言及淨地有垢故是名  
略說九種煩惱次第萎華等九種譬  
喻我已廣說應知又復即此九種煩  
惱依八万四千衆生行故有八万四  
千煩惱差別如來智無量無邊故  
有如是無量無邊煩惱經如來藏故  
言無量煩惱藏所經如來藏是故  
偈言  
愚癡及羅漢諸學及大智次第四種后  
及一二復二如是次第說四凡一聖人  
二學二大智名為不淨地  
此偈明何義此九種譬喻於無漏界  
中如是次第四種譬喻及第五種譬  
後時二二煩惱諸垢依煩惱垢染故  
言不清淨又復去何知此九種貪等  
煩惱於萎華等九種譬喻相似相對

實性論卷第四 第四段 竭

又去何知如來藏於諸佛等九種譬  
喻相似相對偈言  
依佛神力故有彼衆妙華初榮時則愛  
後萎變不愛如華依榮悴有愛有不愛  
貪煩惱亦尔初樂後不樂群蜂為成蜜  
瞋心齒諸花瞋恚心起時生種種苦惱  
稻等內堅實外為皮糲覆如是癡心經  
不見內堅實猶如臭穢糞智觀貪亦尔  
起欲心諸相結使如穢糞譬如彼地中  
種種珍寶藏衆生無天眼是故不能見  
如是自在智為無明地覆衆生无智眼  
是故不能見如子離皮糲次第生芽等  
見道斷煩惱次第生諸地以官身見等  
攝取妙聖道修道斷煩惱故說弊壞衣  
七地中諸垢猶如胎所經遠離胎藏智  
無分別淳熟三地知諸垢如泥摸所泥  
大智諸菩薩金剛定智斷萎華至泥摸  
如是九種譬喻示合顯癡等九種煩惱垢  
垢中如來藏佛等相對法如是九種義  
以三種體攝  
此偈明何義謂依法身自性清淨心  
如來藏等三種實體有諸佛等九種  
譬喻相似相對法應知三種實體者

實性論卷第四 第五段 竭

偈言  
法身及真如如來性實體三種及一種  
五種喻示現  
此偈明何義初三種喻示現如來法  
身應知三種譬喻者所謂諸佛美塞  
堅固示現法身偈言法身故一種譬  
喻者所謂真金示現真如偈言真如  
故又何等為五種譬喻一者地藏二  
者樹三者金像四者轉輪聖王五者  
寶像能生三種佛身示現如來性偈  
言如來性故又法身者偈言  
法身有二種清淨真法界及依彼習氣  
以深淺義說  
此偈明何義諸佛如來有二種法身  
何等為二一者寂靜法界身以無分  
別智境界故如是諸佛如來法身唯  
自內身法界能證應知偈言清淨真  
法界故二者為得彼因謂彼寂靜法  
界說法依可化衆生說彼說法應知  
以依真如法身有彼說法名為習氣  
偈言及依彼習氣故彼說法者復有  
二種一細二麤細者所謂為諸菩薩  
摩訶薩演說甚深秘密法藏以依第

實性論卷第四 第六段 竭

一義諦說故廣者所謂種種修多羅  
祇夜和伽羅那伽陀憂陀那尼陀那  
等名字章句種種差別以依世諦說  
故是故偈言

以出世間法世中無譬喻是故依彼性  
還說性譬喻如美蜜一味微細法亦  
修多羅等說如種種異味

此偈明何義諸佛美蜜及堅固等三  
種譬喻此明如來真如法身有二種  
義一者遍覆一切眾生二者遍身中  
有無有餘殘示現一切眾生有如來  
藏此以何義於眾生界中無有一眾  
生離如來法身在於法身外離於如  
來智在如來智外如種種色像不離  
虛空中是故偈言

譬如諸色像不離於虛空如是眾生身  
不離諸佛智以如是義故說一切眾生  
皆有如來藏如虛空中色以性不改變  
體本來清淨如真金不變故說真如喻  
此偈明何義明彼真如如來之性乃  
至邪乘眾生身中自性清淨心無異  
無差別光明明了以離客塵諸煩惱  
故後時說言如來法身如是以一真

寶性論卷第四 第七張

金譬喻依真如無差別不離佛法身  
故說諸眾生皆有如來藏以自性清  
淨心雖言清淨而本來無二法故是  
故經中佛告文殊師利言文殊師利  
如來如實知見自身根本清淨智以  
依自身根本智故知諸眾生有清淨  
身文殊師利所謂如來自性清淨身  
乃至一切眾生自性清淨身此二法  
者無二無差別是故偈言

一切諸眾生平等如來藏真如清淨法  
名為如來體依如是義故說一切眾生  
皆有如來藏應當如是知  
又復偈言  
佛性有二種一者如地藏二者如樹果  
無始世界來自性清淨心修行無上道  
依二種佛性得出三種身依初譬喻故  
知有初法身依第二譬喻知有二佛身  
真佛法身淨猶如真金像以性不改變  
攝功德實體證大法王位如轉輪聖王  
依止鏡像體有化佛像現  
此偈明何義餘五種譬喻所謂藏樹  
金像轉輪聖王寶像譬喻示現生彼  
三佛法身以依自體性如來之性諸

寶性論卷第四 第八張

眾生藏是故說言一切眾生有如來  
藏此示何義以諸佛如來有三種身  
得名義故此五種喻能作三種佛法  
身因以是義故說如來性因此以何  
義此中明性義以為因義以是義故  
經中偈言  
無始世來性作諸法依止依性有諸道  
及證涅槃果

此偈明何義無始世界性者如經說  
言諸佛如來依如來藏說諸眾生无  
始本際不可得知故所言性者如聖  
者勝鬘經言世尊如來說如來藏者  
是法界藏出世間法身藏出世間上  
上截自性清淨法身藏自性清淨如  
來藏故作諸法依止者如聖者勝鬘  
經言世尊是故如來藏是依是持是  
住持是建立世尊不離不離智不斷  
不脫不異無為不思議佛法世尊亦  
有斷勝異外離離智有為法亦依亦  
持亦住持亦建立依如來藏故依性  
有諸道者如聖者勝鬘經言世尊生  
死者依如來藏世尊有如來藏故說  
生死是名善說故及證涅槃果者如

寶性論卷第四 第九張

聖者勝鬘經言世尊依如來藏故有  
生死依如來藏故證涅槃世尊若無  
如來藏者不得厭苦樂求涅槃不欲  
涅槃不願涅槃故此明何義明如來  
藏究竟如來法身不差別真如體相  
畢竟定佛性體於一切時一切衆生  
身中皆無餘盡應知此云何知依法  
相知是故經言善男子此法性法體  
性自性常住如來出世若不出世自  
性清淨本來常住一切衆生有如來  
藏此明何義依法性依法體依法相應  
依法方便此法為如是為不如是不可  
思議一切處依法依法量依法信得  
心淨得心定彼不可分別為實為不  
實唯依如來信是故偈言  
唯依如來信 信於第一義如無眼目者  
不能見日輪

此偈明何義略說一切衆生界中有  
四種衆生不識如來藏如生盲人何  
等為四一者凡夫二者聲聞三者辟  
支佛四者初發菩提心菩薩如聖者  
勝鬘經中說言世尊如來藏者於身  
見衆生非其境界世尊如來藏者於

實性論卷第四 第十張 明

取四顛倒衆生非其境界世尊如來  
藏者於散亂心失空衆生非其境界  
故此明何義身見衆生者謂諸凡夫  
以彼凡夫實無色等五陰諸法而取  
以為有我我所虛妄執著我所慢  
於離身見等滅諦無漏性甘露之法  
信亦不能何況出世間一切智境界  
如來藏能證能解無有是處又取四  
顛倒諸衆生者所謂聲聞辟支佛人  
以彼聲聞辟支佛等應修行如來藏  
常而不修行如來藏以為常以顛倒  
取一切法無常修行如來藏無常樂  
無常修行以不知不覺故應修行如  
來藏樂而不修行如來藏以為樂以  
顛倒取一切法皆苦修行如來藏苦  
樂苦修行以不知不覺故應修行如  
來藏我而不修行如來藏以為我以  
顛倒取一切法無我修行如來藏無  
我樂無我修行以不知不覺故應修  
行如來藏淨而不修行如來藏以為  
淨以顛倒取一切法不淨修行如來  
藏不淨樂不淨修行以不知不覺故  
如是聲聞辟支佛等一切不能如實

實性論卷第四 第十一張 明

隨順法身修行以是義故第一彼岸  
常樂我淨法非彼聲聞辟支佛等所  
知境界如是樂顛倒無常苦無我不  
淨相等彼如來藏非其境界如是之  
義大般涅槃修多羅中池水譬喻廣  
明此義應知彼經中言迦葉辭如春  
時有諸人等在大池浴乘船遊戲失  
琉璃寶沒深水中是時諸人悉共入  
水求覓是寶竟捉瓦石草木沙礫各  
各自謂得琉璃珠歡喜持出乃知非  
真是時寶珠猶在水中以珠力故水  
皆澄清於是大衆乃見寶珠故在水  
下猶如仰觀虛空月形是時衆中有  
一智人以方便力安徐入水即便得  
珠汝等比丘不應如是修集無常苦  
無我想不淨想等以為真實如彼諸  
人各以瓦石草木沙礫而為寶珠汝  
等應當善學方便在在處處常修我  
想常樂淨想復應當知先所修集四  
法相貌志是顛倒欲得真實修諸想  
者如彼智人巧出寶珠所謂我想常  
樂淨想故又散亂心失空衆生者謂  
初發心菩薩離空如來藏義以失獲

實性論卷第四 第十二張 明

壞物修行名為空解脫門此以何義  
初發心菩薩起如是心實有法斷滅  
後時得涅槃如是菩薩失空如來藏  
修行又復有人以空為有物我應得  
空又生如是心離色等法別更有空  
我應修行令得彼空彼人不知空以  
何等法是如來藏偈言

不空如來藏謂無上佛法不相捨離相  
不增減一法如來無為身自性本來淨  
客塵虛妄染本來自性空

此偈明何義不減一法者不減煩惱  
不增一法者真如性中不增一法以  
不捨離清淨體故偈言不相捨離相  
不增減一法故是故聖者勝鬘經言世  
尊有二種如來藏空智世尊空如來  
藏若離若脫若異一切煩惱藏世尊  
不空如來藏過於恒沙不離不脫不  
異不思議佛法故如是以何等煩惱  
以何等處無如是如實見知名為空  
智又何等諸佛法何處具足有如是  
如實見知名不空智如是明離有無  
二邊如實知空相此二偈中明如是  
義又眾生若離如是空智彼人則是

寶性論卷第四 第十三張 竭

佛境界外名不相應不得定不得一心  
以是義故名散亂心失空眾生何以  
故以離第一義空智門無分別境界  
不可得證不可得見是故聖者勝鬘  
經言世尊如來藏智名為空智世尊  
如來藏空智者一切聲聞辟支佛等  
本所不見本所不得本所不證本所  
不會世尊一切苦滅唯佛得證壞一  
切煩惱藏修一切滅苦道故如是此  
如來藏以法界藏故身見等眾生不  
能得見已說以身見相對治真實法  
界未現前故又如出世間法身如  
來藏非顛倒眾生境界已說以無常  
等世間法對治出世間法界未現前  
故又如自性清淨法界如來空藏  
非散亂心失空眾生境界已說以煩  
惱垢客塵染空自性清淨功德法不  
相捨離出世間法身得名故此明何  
義又依一味等味法界無差別智門  
觀察出世間自性清淨法身是名如  
實知見真如是故經說十住菩薩唯  
能少分見如來藏何況凡夫二乘人  
等是故偈言

寶性論卷第四 第十四張 竭

辟如薄雲中見虛空有日淨慧諸聖人  
見佛亦如是聲聞辟支佛如無眼目者  
不能觀如來如盲不見日所知一切法  
有無量無邊遍虛空法界無量智能見  
諸如來法身充滿一切處佛智慧能見  
以無量智故

究竟一乘寶性論為何義說品第七

問曰真如佛性如來藏義住無障闕  
究竟菩薩地菩薩第一聖人亦非境  
界以是一切智者境界故若如是者  
何故乃為愚癡顛倒凡夫人說若曰  
以是義故略說四偈

處處經中說內外一切空有為法如雲  
及如夢幻等此中何故說一切諸眾生  
皆有如來性而不說空寂以有性弱心  
輕慢諸眾生執著虛妄法謗真如佛性  
計身有神我為令如是等遠離五種過  
故說有佛性

此四行偈以十一偈略釋應知偈言  
諸修多羅中說有為諸法謂煩惱業等  
如雲等虛妄煩惱猶如雲所作業如夢  
如幻陰亦亦煩惱業生故先已如是說  
此究竟論中為離五種過說有真如性

寶性論卷第四 第十五張 竭

以眾生不聞不發菩提心或有性弱心  
欺自身諸過未發菩提心生起欺慢意  
見發菩提心我勝彼菩薩如是憍慢人  
不起正智心是故虛妄取不知如實法  
妄取眾生過不知客涼心實無彼諸過  
自性淨功德以取虛妄過不知實功德  
是故不得生自他平等慈聞彼真如性  
起大勇猛力及恭敬世尊智慧及大悲  
生增長五法不退轉平等無一切諸過  
唯有諸功德取一切眾生如我身無異  
速疾得成就無上佛菩提

究竟無實性論身轉清淨成菩提品第八  
論曰已說有垢如自此以下說無垢如  
應知無垢如者謂諸佛如來於無漏  
法界中遠離一切種種諸垢轉雜穢  
身得淨妙身依八句義略差別說彼  
真如性無漏法身應知何等為八偈言  
淨得及遠離 自他利相應 依止深快大  
時數如彼法  
是名八種句義次第第一偈示現八種  
義者何謂八種一者實體二者因三  
者果四者業五者相應六者行七者  
常八者不可思議實體者向說如未

寶性論卷第四 第十六段 竭

藏不離煩惱藏所纏以遠離諸煩惱  
轉身得清淨是名為實體應知偈言  
淨故是故聖者勝鬘經言世尊若於  
無量煩惱藏所纏如來藏不疑惑者  
於出無量煩惱藏法身亦無疑惑故  
因者有二種無分別智一者出世間  
無分別智二者依出世間智得世間  
出世間依止行智是名為因偈言得  
故果者即依此得證智果是名為果  
偈言遠離故業者有二種遠離一者  
遠離煩惱障二者遠離智障如是次  
第故名遠離如是遠離自利利他成  
就是名為業偈言自他利故相應者  
自利利他得無量功德常畢竟住持  
是名相應偈言相應故行常不思議  
者謂三種佛法身無始世界來作衆  
生利益常不休息不可思議偈言依  
止深快大故以是義故略說偈言  
實體因果業 及以相應行 常不可思議  
名佛地應知  
又依實體依因於佛地中及得彼方  
便因故說三偈  
向說佛法身自性清淨體 為諸煩惱垢

寶性論卷第四 第十七段 竭

客塵所染汙辟如虛空中離垢淨日月  
為彼厚密雲羅網之所覆佛功德無垢  
常恒及不變不分別諸法得無漏真智  
此三行偈以四行偈略釋應知偈言  
佛身不捨離清淨真妙法如虛空日月  
智離染不二過恒沙佛法明淨諸功德  
非作法相應不離彼實體煩惱及智障  
彼法實無體常為客塵染是故說雲喻  
遠離彼二因向二無分別無分別真智  
及依彼所得

此偈明何義向說轉身實體清淨又  
清淨者略有二種何等為二一者自  
性清淨二者離垢清淨自性清淨者  
謂性解脫無所捨離以彼自性清淨  
心體不捨一切客塵煩惱以彼本來  
不相應故離垢清淨者謂得解脫又  
彼解脫不離一切法如水不離諸塵垢  
等而言清淨以自性清淨心遠離客  
塵諸煩惱垢更無餘故又依彼果離  
垢清淨故說四偈

如清淨池水 無有諸塵濁 種種雜花樹  
周常常圍遶 如月離羅睺 日無雲翳等  
無若功德具 顯現即彼體 蜂王美味蜜

寶性論卷第四 第十八段 竭

堅實淨真金 寶藏大果樹 無垢真金像  
轉輪聖王身 妙寶如來像 如是等諸法  
即是如來身

此四行偈以八行偈略釋應知偈言  
貪等客煩惱 猶如濁水塵 無分別上智  
果法如池水 示現佛法身 一切諸功德  
依彼證智果 是故如是說 貪如濁水塵  
淨法離垢染 可化諸眾生 如遠池藕花  
禪定習氣潤 遠離瞋羅睺 以大慈悲水  
遍益諸眾生 如十五日 遠離雲羅網  
光明照眾生 能除諸幽闇 佛無垢日月  
離癡雲羅網 智光照眾生 除滅諸黑闇  
得無等等法 能與妙法味 諸佛如蜜堅  
遠離蜂螫障 真實妙功德 除斷諸貧窮  
能與解脫勢 故說金樹喻 法寶真實身  
增上兩足尊 勝色畢音成 故說後三喻  
又向說以二種智依自利利他業何者  
為二一者出世間無分別智二者依  
出世間無分別智轉身得身行因遠  
離煩惱得證智果故又何者是成就  
自利謂得解脫遠離煩惱障遠離智  
障得無障身清淨法身是名成就自  
身利益又何者是成就他利益既得

寶性論卷第四 第十九張 竭

成就自身利已無始世來自然依彼  
二種佛身示現世間自在力行是名  
成就他身利益又依自利利他成就  
業義故說四偈

無漏及遍至 不滅法與恒 清涼不變異  
不退寂靜處 諸佛如來身 如虛空無相  
為諸勝智者 作六根境界 示現微妙色  
出於妙音聲 令嗅佛戒香 與佛妙法味  
使覺三昧觸 令知深妙法 細思惟稠林  
佛離虛空相

此四行偈以八行偈略釋應知偈言  
略說二種法 業智應當知 滿足解脫身  
清淨真法身 解脫身法身 二及一應知  
謂無漏遍至 及究竟無為 煩惱盡無漏  
及習氣滅故 無聞及無障 智遍至應知  
無為以不滅 實體不失故 不失名為本  
恒等句解釋 對於恒等句 有四失應知  
死無常及轉 不可思議退 以無死故恒  
以常故清涼 不轉故不變 寂靜故不退  
彼究竟足跡 淨智白法體 具足色聲等  
示現於諸根 如虛空無相 而現色等相  
法身亦如是 具六根境界  
此偈明何義 經中說言 如虛空相諸

寶性論卷第四 第二十張 竭

佛亦亦者此依第一義諸佛如來清  
淨法身自體相不共法故作如是說  
以是義故金剛般若波羅蜜經言須  
菩提於意云何可以三十二大人相  
成就得見如來不須菩提言如我解  
佛所說義者不以相成就得見如來  
佛言如是如是須菩提不以相成就  
得見如來須菩提若以相成就觀如  
來者轉輪聖王應是如來是故非以  
相成就得見如來故此明何義以依  
如來第一義諸清淨法身明如是義  
又依相應義故說二偈

如空不思議 常恒及清涼 不變與寂靜  
遍離諸分別 一切處不著 離閑處注觸  
亦不可見取 佛淨心無垢  
此二行偈以八行偈略釋應知偈言  
解脫身法身 示自利利他 依自利利他  
彼處相應義 一切諸功德 不思議應知  
以非三慧境 一切種智知 諸眾生佛體  
細故非聞境 第一非思思 以出世深密  
世修慧不知 諸愚癡凡夫 本來未曾見  
如盲不瞞色 二乘如嬰兒 不見日月輪  
以不生故常 以不滅故恒 離二故清涼

寶性論卷第四 第二十一張 竭

法性住不變 證滅故寂靜一切覺故遍  
不住不分別 離煩惱不著無智障離悶  
柔軟離震盪 無色不可見離相不可取  
以自性故淨 離染故無垢

此偈明何義虛空辭喻者明諸佛如  
來無為諸功德不離佛法身於所有  
諸有得不可思議勝大方便業勝大  
悲業勝大智業為與一切眾生樂相  
無垢清淨三種佛身所謂實佛受法  
樂佛及化身佛常不休息常不斷絕  
自然修行以為利益一切眾生應知  
以不共餘人唯諸佛如來法身相應  
故此明何義以依此身相應諸行差  
別故說八偈

非初非中後 不破壞不二 遠離於三界  
無垢无分別 此甚深境界非二乘所知  
具勝三昧慧 如是人能見出過於恒沙  
不思議功德 唯如來成就不與餘人共  
如來妙色身 清淨無垢體 遠離諸煩惱  
及一切習氣 種種勝妙法 光明以為體  
令眾生解脫 常無有休息 所作不思議  
如摩尼寶王 能現種種形 而彼體非實  
為世間說法 示現寂靜處 教化使淳熟

寶性論卷第四 第二十二張 竭

授記令入道 如來鏡像身而不離本體  
猶如一切色 不離於虛空

此八行偈以二十五偈略釋應知偈言  
向說佛法身及一切種智自在與涅槃  
及第一義諦不可思議法應供等功德  
唯自身內證 應當如是知彼三身差別  
實法報化等 所謂深快大無量功德身  
明實體身者 謂諸佛法身略說五種相  
五功德應知 無為无差別 遠離於二邊  
出離煩惱障 智障三昧障 以離一切垢  
故聖人境界 清淨光明照 以法性如是  
無量阿僧祇 不可數思議 無等諸功德  
到第一彼岸 實法身相應 以快不可數  
非思量境界 及遠離習氣 无邊等佛法  
次第不離報 受種種法味 示現諸妙色  
淨慈悲習氣 無虛妄分別 利益諸眾生  
自然無休息 如如意寶珠 滿足眾生心  
受樂佛如是 神通力自在 此神力自在  
略說有五種 說法及可見 諸業不休息  
及休息隱沒 示現不實體 是名要略說  
有五種自在 如摩尼寶珠 依種種諸色  
異本生諸相 一切皆不實 如來亦如是  
方便力示現 從兜率陀退 次第八胎生

寶性論卷第四 第二十三張 竭

習學諸伎藝 嬰兒入王宮 厭離諸欲相  
出家行苦行 推問諸外道 往詣於道場  
降伏諸魔眾 成大妙覺尊 轉無上法輪  
入無餘涅槃 於不清淨國 現如是等事  
世間無休息 宣說無常苦 无我寂靜名  
方便智慧力 令彼諸眾生 厭離三界苦  
後入於涅槃 以入寂靜道 諸聲聞人等  
有是虛妄相 言我得涅槃 法華等諸經  
皆說如實法 般若方便攝 迴先虛妄心  
令淳熟上乘 授妙菩提記 微細大勢力  
令愚癡眾生 過險難惡道 深快及以大  
次第說應知 初法身如來 第二色身佛  
辟如虛空中 有一切色身 於初佛身中  
最後身亦尔

自此以下即依如是三種佛身為樂  
眾生利益眾生略說二偈  
世尊體常住 以修無量因 眾生界不盡  
慈悲心如意 智成就相應 法中得自在  
降伏諸魔怨 體寂靜故常  
此二行偈以六行偈略釋應知偈言  
棄捨身命財 攝取諸佛法 為利益眾生  
究竟滿本願 得清淨佛身 起大慈悲心  
修行四如意 依彼力住世 以成就妙智

寶性論卷第四 第二十四張 竭

離有涅槃心常得心三昧成就樂相應  
常在於世間不為世法染得淨甘露慶  
故離一切魔諸佛本不生本來寂靜故  
以常可歸依故言歸依我初七種譬喻  
如來色身常後三種譬喻善逝法身常  
此偈明何義諸佛如來依法身轉得  
無上身不可思議應知依不可思議  
故說二偈

非言語所說第一義諦攝離諸覺觀地  
無譬喻可說最上勝妙法不取有涅槃  
非三乘所知唯是佛境界

此二行偈以五行偈略釋應知偈言  
不可得思議以離言語相離言語相者  
以第一義攝第一義攝者非思量境界  
非思量境者以無譬喻知無譬喻知者  
以最勝無上最勝無上者不取有涅槃  
不取是二者不取功德過前五種譬喻  
微細不思議如來法身常第六譬喻者  
以得自在故如來色身常

究竟一乘寶性論如來功德品第九

論曰已說無垢真如法身次說依彼  
無垢真如法身一切功德如摩尼寶  
不離光明形色諸相如來法身元量

寶性論卷第四 第二十五張 竭

無邊自性清淨無垢功德亦復如是  
以是義故依佛功德次說二偈  
自利亦利他第一義諦身依彼真諦身  
有此世諦體果遠離淳熟此中具足有  
六十四種法諸功德差別  
此偈示現何義偈言

於自身成就住持諸佛法故攝第一身  
為他身住持諸如來世尊故有世諦體  
佛無量功德初身攝應知十力四無畏  
大丈夫相等彼受樂報體第二佛身攝  
此偈明何義明十力等六十四種佛  
身功德此云何知依彼義故略說二偈  
佛力金剛杵破無智者障如來無所畏  
慶眾如師子如來不共法清淨如虛空  
如彼水中月眾生二種見

自此已下功德品中餘殘論偈依此  
二偈次第示現彼十力等六十四種  
如來功德如陀羅尼自在王經廣說

應知初依十力故說二偈  
慶非慶果報業及於諸根性信至慶道

離垢諸禪定憶念過去世天眼寂靜智  
如是等諸句說十種力名

又依四無畏故說三偈

寶性論卷第四 第二十六張 竭

如實覺諸法違諸閻道障說道得無漏  
是四種無畏於所知境界畢竟知自他  
自知教他知此非遮障道能證勝妙果  
自得令他得說自他利諦是諸慶無畏  
又依十八不共佛法故說八偈

佛無過無諍無妄念等失无不定散心  
無種種諸想無作意護心欲精進不退  
念慧及解脫知見等不退諸業智為本  
知三世無障佛平八功德及餘不說者  
佛身口無失若他來破壞內心無動相  
非作心捨心世尊欲精進念淨智解脫  
知見常不失示現可知境一切諸業等  
智為本展轉三世無障闍廣大智行常  
是名如來體大智慧相應覺彼大菩提  
最上勝妙法為一切眾生轉於大法輪  
無畏勝妙法令彼得解脫

又依三十二大人相故說十一偈

足下相平滿具足千輻輪跟膺跖上隆  
伊尼鹿王蹲手足悉柔軟諸指皆纖長  
鵝王網縵指臂肘上下膺兩肩前後平  
左右俱圓滿立能手過膝馬王陰威相  
身膺相洪雅如尼拘樹王體相七慶滿  
上半如師子威德勢堅固猶如那羅延

寶性論卷第四 第二十七張 竭

身色新淨妙柔軟金色皮淨軟細平密  
 一孔一毛生毛柔軟上靡微細輪右旋  
 身淨光圓而頂上相高顯項如孔雀王  
 頤方若師子髮淨金精色鬚如因陀羅  
 額上白毫相通面淨光明口含四十齒  
 二牙白踰雪深密內外明上下齒平齊  
 迦陵頻伽聲妙音深遠聲所食至喉現  
 得味中上味細薄廣長舌二目淳紺色  
 瞬眼若牛王功德如蓮華如是說人尊  
 妙相三十二一一不雜亂普身不可嫌  
 此佛十力四無所畏十八不共法三  
 十二大人相略集一處是名六十四  
 種功德應知偈言

六十四功德 修因及果報一一各差別  
 實經次第說  
 此偈明何義向說諸佛如來六十四  
 種功德因果差別依此次第寶女經  
 中廣說應知又復依此四處次第有  
 四種喻謂金剛杵及師子王虛空辟  
 喻水中月等有九行偈依彼九偈略  
 說偈言  
 衝過無慈心 不共他無心 故說杵師子  
 空水中月喻

寶性論卷第四 第二十八張 竭

又依十力金剛杵喻故說二偈  
 處非處果性 衆生諸信根 種種道修地  
 過宿命差別 天眼漏盡等 佛力金剛杵  
 能判碎散斫 癡盡山牆樹  
 此偈示現何義略說偈言

諸如來六力 次第三及一 所知境界中  
 離三昧諸障 及離餘垢障 譬如破散截  
 鎧牆及樹等 亦重亦堅固 亦不可破壞  
 如來十種力 猶如彼金剛 故說金剛杵  
 又依四無畏 師子王喻故說二偈  
 譬如師子王 諸獸中自在 常處於山林  
 不怖畏諸獸 佛人王亦尔 處於諸群衆  
 不畏及善住 堅固善住等

此偈示現何義略說偈言  
 知病苦知因 遠離彼苦因 說聖道妙藥  
 為離病證滅 遠離諸怖畏 善住善住城  
 佛王在大衆 無畏如師子 以知一切法  
 是故能善住 一切處不畏 離愚癡凡夫  
 二乘及清淨 以見我無等 於一切法中  
 心常定堅固 何故名善住 過無明住地  
 自在無闕處 是故名善住  
 又依十八不共法 虛空辟喻故說  
 三偈

寶性論卷第四 第二十九張 竭

地水火風等 彼法空中無 諸色中亦无  
 虛空無闕法 諸佛無障身 猶如虛空相  
 如來在世間 如地水火風 而諸佛如來  
 所有諸功德 乃至無一法 共餘世間有  
 此偈示現何義略說偈言

聲聞及空行 智者及自在 上上微細法  
 故示現五大 諸衆生受用 如地水火風  
 離世離出世 故說虛空大 三十二功德  
 依止法身有 如世間燈炷 明燭及色相  
 相應無差別 諸如來法身 一切諸功德  
 無差別亦尔  
 又依三十二大丈夫相水中月喻故  
 說二偈

秋空無雲暄 月在天及水 一切世間人  
 皆見月勢力 清淨佛輪中 具功德勢力  
 佛子見如來 功德身亦尔  
 此偈示現何義略說偈言  
 三十二功德 見者生歡喜 依法報化身  
 三種佛而有 法身淨無垢 遠離於世間  
 在如來輪中 衆生見二處 如清淨水中  
 見於月影像 是三十二相 依色身得名  
 如摩尼寶珠 不離光色相 色身亦如是  
 不離三十二

寶性論卷第四 第三十張 竭

究竟一乘實性論自然不休息佛業品第十

論曰已說無垢諸佛功德次說諸佛如來作業彼諸佛業自然而行常不休息教化衆生應知此依略說有二種法自然而行以是義故依諸佛業自然而行常不休息常作佛事故說六偈

於可化衆生以教化方便起化衆生業教化衆生界諸佛自在人於可化衆生常待處待時自然作佛事遍覺知大乘最妙功德聚如大海水寶如來智亦亦善提廣無邊猶如虛空界於無量功德大智慧日光遍照諸衆生有佛妙法身無垢功德藏如我身無異煩惱障智障雲霧羅網覆諸佛慈悲風吹令散滅盡此六行偈義以十四偈略釋應知偈言以何等性智何者何處時作業無分別是故業自然以何等根性諸衆生可度以何等智慧能度諸衆生又以何者是化衆生方便衆生以何處何時中可化進趣及功德為果為攝取彼障及斷障諸緣不分別進趣謂十地功德因二諦果謂大菩提攝菩提者屬彼障謂無邊

實性論卷第四 第三十張 竭

煩惱及習氣斷障謂大慈及大悲心等

是名一切時常種種因緣如是等六處次第說應知如大海水寶空日地雲風諸地如大海智水功德寶菩提如空界廣無中後邊為利益衆生二種業如日能悉遍照知一切衆生界皆有如來性如地中伏藏猶如彼大地體安固不動為利益衆生見彼我無別客塵煩惱等本自無體性一切皆虛妄如雲聚不實起大慈悲心猶如猛風吹煩惱障盡如彼雲聚散化事未究竟故常在世間從本際以來自然不休息

問曰如向所說諸佛如來不生不滅若如是者即無為法無為法者不修行業云何自然不休息常教化衆生事答曰為示現彼諸佛大事斷諸疑惑是故依彼不可思議無垢清淨諸佛境界示現大事故以譬喻說一行偈帝釋妙鼓雲梵天日摩尼響及虛空地如來身亦亦

依此一行修多羅攝取義偈九種譬喻自此以下廣說餘殘六十六偈應知又復依彼廣說偈義九種譬喻略說

實性論卷第四 第三十二張 竭

彼我及以次第廣說如來無上利益一切衆生修行究竟以十九偈解釋應知偈言

遠離一切業未曾見有果為一切疑人除諸疑網故說九種譬喻彼修多羅名廣說此諸法彼修多羅中廣說九種喻彼名智境界快妙智莊嚴有智者速入具足佛境界說彼天帝釋琉璃鏡像等九種諸譬喻應知彼要義見說及遍至以離諸相智身口意業密大慈悲者得離諸功用心無分別寂靜以智故無垢如大毗琉璃帝釋等譬喻智究竟滿足故究竟寂靜以有淨智慧是故無分別為成種種義故說釋等喻為成彼義者說九種見等離生離神通諸佛現是事是名為略說種種義譬喻先喻解異後後喻解異前佛體如鏡像如彼琉璃地人非不有聲如天妙法鼓非不作法事如彼大雲雨非不作利益而亦非不生種種諸種子如梵天不動而非不淳熟如彼大日輪非不破諸闇如彼如意寶而非不希有猶如彼響響非不因緣成猶如彼虛空非不為一切衆生作依止

實性論卷第四 第三十三張 竭

猶如彼大地而非不住持一切種種物以依彼大地荷負諸世間種種諸物故依諸佛菩提出世間妙法成就諸白業諸禪四無量及以四空定諸如來自然常住諸世間有如是諸業一時非前後作如是妙業

究竟一乘實性論校量信功德品第十一

論日向說四種法自此已下明有慧人於彼法中能生信心依彼信者所得功德說十四偈

佛性佛菩提佛法及佛業諸出世淨人所不能思議此諸佛境界若有能信者得無量功德勝一切衆生以求佛菩提不思議果報得無量功德故勝諸世間若有人能捨摩尼珠珍寶遍布十方界無量佛國土為求佛菩提施與諸法王是人如是施無量恒沙劫若復有人聞妙境界一句聞已復能信過施福无量若有智慧人奉持無上戒身口意業淨自然常護持為求佛菩提如是無量劫是人所得福不可得思議若復有人聞妙境界一句聞已復能信過戒福無量若人入禪定焚三界煩惱過天行彼岸

寶性論卷第四 第三十四頌 竭

無菩提方便若復有人聞妙境界一句聞已復能信過禪福無量無慧人能捨唯得富貴報修持禁戒者得生人天中修行斷諸障非慧不能除慧除煩惱障亦能除智障聞法為慧因是故聞法勝何況聞法已復能生信心

此十四偈以十一偈略釋應知偈言身及彼所轉功德及成義示此四種法唯如來境界智者信為有及信畢竟得以此信諸功德速證無上道究竟到彼岸如來所住處信有彼境界彼非可思議我等可得彼彼功德如是唯深信勝智欲精進念定修智等功德無上菩提心一切常現前以常現前故名不退佛子彼岸淨功德畢竟能成就五度是功德以不分別三畢竟及清淨以離對治法施唯施功德持戒唯持戒餘二度修行謂忍辱禪定精進遍諸處慳等所治法名為煩惱障虛分別三法是名為智障遠離彼諸障更無餘勝因唯真妙智慧是故般若勝彼智慧根本所謂聞慧是以聞慧生智是故聞為勝又自此已下明向所說義依何等法

寶性論卷第四 第三十五頌 竭

說依何等義說依何等相說初依彼法故說二偈  
我此所說法為自心清淨依諸如來教修多羅相應若有智慧人聞能信受者我此所說法亦為攝彼人

自此已下次依彼義故說二偈

依燈雷摩尼日月等諸明一切有眼者皆能見境界依佛法光明慧眼者能見以法有是利故我說此法

自此已下次依彼相故說二偈

若一切所說有義有法有能令修行者遠離於三界及示寂靜法最勝無上道佛說是正經餘者顛倒說

自此已下依護法方便故說七偈

雖說法句義斷三界煩惱無明覆慧眼會等垢所纏又於佛法中取少分說者世典善言說彼三尚可受何況諸如來遠離煩惱垢無漏智慧人所說修多羅以離於諸佛一切世間中更無勝智慧如實知法者如來說了義彼不可思議思者是謗法不識佛意故謗聖及壞法此諸邪思惟煩惱愚癡人妄見所計故故不應執者邪見諸垢法以淨衣受色

寶性論卷第四 第三十六頌 竭



- 諸本作「因因」。
- 一 五二〇頁中一二行第六字「常」，諸本作「常想」。
- 一 五二〇頁中一五行「皆苦」，諸本作「苦想」。
- 一 五二〇頁中一八行第八字「我」，諸本作「我想」。
- 一 五二〇頁中二一行「不淨」，諸本作「不淨想」。
- 一 五二〇頁下四行第二字及次頁上一三行末字「相」，諸本作「想」。
- 一 五二〇頁下一四行「入水」，諸本作「入水中」。
- 一 五二〇頁下二一行第一三字「想」，諸本無。
- 一 五二一頁上一行「以何」，諸本作「明何」。
- 一 五二一頁上三行第六字「如」，諸本無。
- 一 五二一頁中一行「得定」，諸本作「得空」。
- 一 五二一頁下六行末字「故」後，諸本換卷，卷第四終，卷第五始。
- 一 五二一頁下七行品名上，諸本無經名。
- 一 五二一頁下一一行第三字「乃」，**碩、晉、南、經、清**作「及」。
- 一 五二二頁中八行「出世間」，諸本無。
- 一 五二二頁中一六行「世界」，**經、清**作「世」。
- 一 五二二頁中一九行「及以相應」，諸本作「相應及以」。
- 一 五二二頁下二二行「周常」，諸本作「周匝」。
- 一 五二三頁上四行第六字「八」，諸本作「九」。
- 一 五二三頁上八行第三字「離」，諸本作「雜」。
- 一 五二三頁上一五行第二字「興」，**碩、晉、南、清**作「與」。
- 一 五二三頁上一五行「故說金樹」，諸本作「說藏金剛」。
- 一 五二三頁上一五行「法寶」，諸本作「法體」。
- 諸本作「因因」。
- 一 五二〇頁中一二行第六字「常」，諸本作「常想」。
- 一 五二〇頁中一五行「皆苦」，諸本作「苦想」。
- 一 五二〇頁中一八行第八字「我」，諸本作「我想」。
- 一 五二〇頁中二一行「不淨」，諸本作「不淨想」。
- 一 五二〇頁下四行第二字及次頁上一三行末字「相」，諸本作「想」。
- 一 五二〇頁下一四行「入水」，諸本作「入水中」。
- 一 五二〇頁下二一行第一三字「想」，諸本無。
- 一 五二一頁上一行「以何」，諸本作「明何」。
- 一 五二一頁上三行第六字「如」，諸本無。
- 一 五二一頁中一行「得定」，諸本作「得空」。
- 一 五二一頁下六行末字「故」後，諸本換卷，卷第四終，卷第五始。
- 諸本作「因因」。
- 一 五一八頁下二一行第三字「及」，**碩、晉、南、經、清**作「爲」。
- 一 五一九頁上一二行第九字「憂」，諸本作「憂波」。
- 一 五一九頁上一二行及下四行「以何」，諸本作「明何」。
- 一 五一九頁上一三行第八字「於」，諸本無。
- 一 五一九頁上一四行第八字「如」，諸本作「如是」。
- 一 五一九頁中二〇行第九字「像」，諸本作「應」。
- 一 五一九頁下一六行「持是」，**碩、晉、南**作「時是」。
- 一 五一九頁下一九行「離離」，諸本作「離」。
- 一 五二〇頁中七行「信亦不能」，諸本作「尚不能信」。
- 一 五二〇頁中一一行第一二字、一四行末字、一七行末字及二一行第二字「以」，諸本作「而」。

- 一 五二三頁上二〇行「智果」，諸本作「果智」。
- 一 五二三頁上末行「他利益既得」，諸本作「利他既」。
- 一 五二三頁中一行第五字「利」，諸本作「利他」。
- 一 五二三頁中七行首字「爲」至九行末字「林」共四十五字，諸本作「妙色常湛然 六根甚明淨 佛眼見象色 耳聞一切聲 鼻能辨諸香 舌能練衆味 身覺三昧觸 意知一切法 除諸稠林行」。
- 一 五二三頁中一六行第三字「以」，諸本作「故」。
- 一 五二三頁中一六行「不失故」，諸本作「故不失」。
- 一 五二三頁中二〇行「具足」，諸本作「具妙」。
- 一 五二三頁中二二行「具六根境界」，諸本作「具足六根相」。
- 一 五二三頁下一四行及次頁上二行「離闕」，諸本作「離癡」。以下各頁

- 之「闕」，經皆作「癡」。
- 一 五二三頁下一七行第六字「示」，諸本作「亦」。
- 一 五二三頁下二〇行「思思」，諸本作「思慧」。
- 一 五二四頁上二行第三字「不」，諸本作「無」。
- 一 五二四頁上一二行第七字「諸」，諸本無。
- 一 五二四頁中三行第五字「以」，諸本無。
- 一 五二四頁中六行「身內」，諸本作「內身」。
- 一 五二四頁中七行第五字「等」，諸本作「身」。
- 一 五二四頁中末行「陀退」，諸本作「陀天」。
- 一 五二四頁下七行第七字「入」，諸本作「示」。
- 一 五二四頁下一〇行第五字「乘」，清作「果」。
- 一 五二五頁上六行「偈明何義」，諸

- 本無。
- 一 五二五頁上九行第四字「所」，諸本作「可」。
- 一 五二五頁上一三行「以離言語相」，諸本作「以言語相故」。
- 一 五二五頁上一四行「以第一義攝」，諸本作「第一攝義故」。
- 一 五二五頁上一四行末字「界」，諸本作「故」。
- 一 五二五頁上一五行「以無譬喻知」，諸本作「無譬喻知故」。
- 一 五二五頁上一六行「以最勝無上」，諸本作「最無勝上故」。
- 一 五二五頁中二行末字「偈」，諸本作「偈言」。
- 一 五二五頁下七行第五字「想」，諸本作「惡」。
- 一 五二五頁下一一行第二字「作」，諸本作「住」。
- 一 五二六頁上四行第七字「淨」，諸本作「青」。
- 一 五二六頁上六行「平齊」，諸本作

「齊平」。

一 五二六頁上一行第七字「所」，諸本無。

一 五二六頁上一五行「寶經次第說」，諸本作「寶女經具說」。

一 五二六頁中二行第四字「果」，諸本作「業」。

一 五二六頁中四行第五字「斫」，諸本作「截」。

一 五二六頁中七行「譬如破」，諸本作「如刺如」。

一 五二六頁中八行「樹等」，諸本作「山樹」。

一 五二六頁下一四行第五字「瞳」，諸本作「翳」。

一 五二六頁下二二行「如摩尼寶珠」，諸本作「譬如摩尼珠」。

一 五二六頁下二二行第九字「色」，諸本作「我」。

一 五二七頁上一二行第一一字「於」，諸本作「放」。

一 五二七頁上一六行第三字「行」，

諸本無。

一 五二七頁上一七行「無分」，諸本作「不分」。

一 五二七頁上末行第七、八字「菩提」，諸本作「菩薩」。

一 五二七頁中一五行「云何」，諸本無。

一 五二七頁中二二行首字「喻」，諸本作「喻義」。

一 五二七頁下一行「無上」，**碩**、**南**作「無生」。

一 五二七頁下四行「見有」，諸本作「有見」。

一 五二七頁下一五行第五字「等」，諸本作「法」。

一 五二七頁下一八行「法事」，諸本作「佛事」。

一 五二七頁下二二行末字「成」，諸本作「有」。

一 五二八頁中二行「無量」，**徑**作「無最」。

一 五二八頁中三行「人天」，諸本作

「天人」。

一 五二八頁下五行首字「我」，諸本作「依」。

一 五二八頁下六行第五字「次」，諸本無。

一 五二八頁下二一行首字「思」，**南**作「想」。

一 五二九頁上一七行「法法」，諸本作「法」。

一 五二九頁中五行第七字「句」，諸本作「向」。

一 五二九頁中一三行末字「四」，諸本作「五」。